



UNIVERSITÄTS-
BIBLIOTHEK
PADERBORN

Universitätsbibliothek Paderborn


**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

Variae Epistolae Ad Historiam Bambergensem Spectantes.

urn:nbn:de:hbz:466:1-41527



VARIAE EPISTOLAE AD HISTORIAM BAMBERGEN- SEM SPECTANTES.

*Epistola I. Henrici IV. ad S. Othonem
Bamberensem Episcopum.*

HENRICVS DEI GRATIA Romanorum Imperator Othoni Babenbergenſi Episcopo suo dilecto & certo fidei gratiam & omne bonum.
Nunc imminente necessitate debet apparere, *Anno Domini 1105. desiruerat* qui fint fideles nobis, & ipsa evidentia rei manifestandum est, *Henricus filius à Patre. Quare* quantum nos diligent & honorem nostrum. Scias igitur *cum aliis, cum* quod nos vsque VVirzeburg venimus cum multis militibus, *s. Othoni, ne* & adhuc ibidem plures exspectamus, cupientes cum Deo ad- *desereretur,* iutorio inimicos nostros inuadere, & castrum nostrum Nu- *supplex facies* renberg, quod obsident, liberare.

Quapropter tibi, sicut optimo fidei rogando mandamus, ut ad nos venire festines cum omnibus, quos habere poteris, sicut tibi confidimus. Insuper etiā diligenter te rogamus, vt in praesenti nostram cōsideres necessitatē, & A. qui nobis est necessarius, concedas beneficiū, q̄ te postular, animaduertens, q̄ modo nos præsens periculū compellit multis supplicare, & eorum voluntatem faciendo, ipsos in nostra fidelitate confirmare, & hac ratione constrictos, de his & de aliis multis oportet nos te rogare aliter, quam vellemus: sed nos, Deo volēte, si prosperitas aduenerit, te & Ecclesiam tuam, sicut dignum est, respiciemus. De hac re fac, secundum quod tibi dicet N. ex nostri parte.

Mm 2

II. Episto-

II.

Epistola, Eiusdem ad eundem, & eiusdem argumenti.

EINRICVS DEI GRATIA Romanorum Imperator Augustus Othoni Babenbergensi Episcopo gratiam & omne bonum. Scimus, quia legationibus filij nostri frequenter fatigaris, sicut nobis per tuum nuncium mandasti. Confidimus autem de tuae bonitatis fide: quod nec precibus, nec minis, nec persuasionibus, nec blanditiis inquam acquiescas nostris contra nos iniciis; sed semper fideliter nobiscum permanecas. Quantalunque autem persecutiones ab inimicis nostris sustineas: nullatenus tamen terreas, sed certus esto quod te non deseremus siue in pace, siue in periculo, & fiduciam habeas in omnipotente DOMINO, quod nobiscum citò à praesenti liberaberis periculo. Sicut ergo de te confidimus, & per nuncium tuum tibi mandauimus, ad diem, & locum, quem * condiximus, venire non dubites. Igitur per fidem, quam nobis debes, neque precibus, neque minis aliquatenus terreas, ut ad filium nostrum transferaris, & ab omni Ecclesia, atque per omnes congregations tibi commissas, orationes sine intermissione fac fieri ad D E V M pro nobis. Castrum etiam tuum ita diligenter custodiri facias, ne aliquis ex custodibus ab eo descendat. Nuncium etiam tuum ad consolandos mittas * Nurenbergenses.

III.

Epistola, Eiusdem ad Eudem.

HEINRICVS DEI GRATIA Romanorum Imperator Augustus Ottoni Babenberensis Ecclesiae Episcopo gratiam, dilectionem, & omne bonum. Perfectus amor cum utique domesticus cordis

cordis sit, non ad oculum tantum valet, non ad oculū spectat, pistola scripta
non pendet ex tempore, per quem absentes quanto longius paulò postquam
separantur, tanto arctius mutua pro se solitudine constrin- *S. Otho Episco-*
guntur. Nos certe absentis tui ampliorem, quam dum af- *patum Bam-*
fueristi, curam gerimus; et dē quo te proueximus animo, cun- *bergensem in-*
statib⁹ prospera cupientes; aduersa, et si non accident, quia *De quo initio*
possunt accidere, verentes. Vnde maximo nobis gaudio est, *libri 1. de Vſto*
quod adhuc de rebus tuis optata comperimus, te videlicet ab *S. Othonis.*
Ecclesia tua honorificē receptum, grata omnibus responsio-
num habitibus & actū temperāntia placuisse, & in præstandis
beneficiis necessariam laudabiliter exhibuisse cautelam. Qua
de te consulimus, hortam⁹ & petimus, vt quod facis facias, ne
primitias bona fama, si manum remiseris, perdas, quia, bona
inceptio sine fine; speciosi corporis instar est sine capite. Ne-
mo te à delectu Ecclesiastice secundum iustitiā utilitatis ter-
tore detorqueat, precio flectat, suadendi fellito melle seducat,
quoniam tentatus his omnibus, si probatus fueris, facilè om-
nia propulsabis. Si quid autē graue tuis viribus æstimabis, ad
nos tibi proculdubio succursuros ex nostri differas occasione
præcepti.

IV.

Epistola Eiusdem Henrici ad S. Othonem.

HENRICVS DEI GRATIA Romanorum Im-
perator, Augustus, * Babenberensi Episcopo * *Nomen Epis-*
suo fideli charissimo gratiam & omne bonum. *scopi nō exprim-*
natur in codice
Cum Dei prouidentia & magnæ pietatis eius *M. S. sed Vide-*
consilio de nostro Regno & bīq; pacificato gauderemus, adue-*sse effe Otho.*
nerunt nobis nuncij ex parte G. Ducis, & B. Comitis alio; um-
que fidelium nostrorum Marchiæ Flandrensis, intimantes eos
diutius nō posse sustinere molestias Roberti Comitis, qui re-
gnum nostrum inuasit, & ad ignominiam omnium, qui in eo
sunt, sibi nostrum * Cameracensem Episcopatū usurpauit. Un- ** Sigeb. Anno*
de, quemadmodum res hortabatur, nostros Principes conuo- *1102. Roberto*
catos consuluius, & ab eis sapienter, renotata, constituimes *Flandrensum*

Mm 3

coram

comite inquit
tante urbe Ca-
meracu, Hen-
ricus Imp. con-
tra eum profi-
ciscitur sed pa-
rum prosecut ob-
lyemis asperi-
gat. Et dices
Sigeb. Erat hic
Robertus sedis
Apostolica ad-
dictissimus. Ca-
meracenses
autem ad Hen-
ricu Imp. Schif-
maticum tra-
stabant. Hinc
Roberto causa
belli in illos. Ro-
berti factu pu-
blicis literis col-
landauis Pa-
schalis II. Papa.
Vide Baron.
Tom. XII. Anno
1102.

eorum consilio nos facturos expeditionem in Flandriam su-
pratam præsumptuosum hostem; qui noster miles debet esse;
ne diutius de imminutione & dedecore Regni nostri impunè
superbiat. Hoc siquidem tam manifestum, & tam commu-
ne Regni nostri dedecus tibi fieri, sit tuum honorem diligis,
pessare debes corde tenus. Ut igitur fideliter hoc facias & pru-
denter, rogamus te sub spe remunerationis gratissimæ, & per
fidelitatem, quam nobis & regno debes, monemus, ut omni
occasione destructa sicut honor est regni atq; tuus, ad expedi-
tionem venias: sciens quod in proximo festo Sanctorum om-
nium Tungris iuxta Leodium conueniemus, parati super Flandriam
equitare. Nec mireris mutatum esse aduentum no-
strum Radisponam, sicut intellexeras, quando nobiscum eras,
quia huius rei necessitas interuenit, & utiliter ad decus regni
firmiter est laudata ab omnibus nostris expeditio nostra su-
per hostes in Flandriam.

V.

Epistola eiusdem Henrici ad S. Othonem.

Misit Henricus
Legatos ad Pa-
schale Pontif.
Anno 1105. Vz-
de Baron. Tom.
XII nisi ad He-
ricum. Iunio-
velis, qui Spira
conuentum e-
git An. MCXI.
Vide Vrfferg.

HEINRICVS DEI GRATIA Romanorum Impe-
rator, Augustus, Ottoni Babenbergis dilecto
Episcopo gratiâ abunde, & omne bonum. Româ
nostri nuncij redire, & Dei gratia ex parte maxi-
mâ nobis lata & prospera retulere. Mandant etiâ nobis nostri
fideles, quod tempus habemus acceptabile ut Romanæ sedi &
reipublicæ consulamus. Quapropter necessariò nostros Prin-
cipes conuocamus, ut inde, sicuti iustum est, eorum consiliu &
rem referre auxilium habeamus. Ad quod plurimum indigemus tuae fidei
presentia, & tui consiliij prudentia: quoniam & te corde tenus
diligimus, & tibi de omni honore nostro, prout nobismetipſis
indubitanter confidimus. Confidenter igitur & intimè tuam
rogamus dilectionem, ut die Veneris, post proximum festum
S. MARIAE, venias ad nos Spiram, & ibi super his tuo & aliorum
nostrorum Principum consilio ad Dei honorem & regni, &
Chri-

Christiana pacis statum tractabimus. Ethilariter facias hoc,
sciens quod te citò dimittemus. Et * hoc libenter tibi parce-
remus, nisi tam alti negotij nos vrgeret instantia. Præterea * f. In hoc
mandamus tibi, vt mittas pro Comite N. quem tibi commisi-
mus, & eum nobis repreſentes.

VI.

*Epistola Eiusdem Henrici adhuc Regis ad A.
Episcopum Bambergensem.*

HEINRICVS DEI GRATIA Rex * A. sancte Babe- *Videtur eſe*
bergensis Ecclesie venerando Pontifici, suo scili- *Albertus Co-*
cet dilecto nepoti, gratiā suam, & debitū dilectio- *mes à Bogen,*
nis donum, Si omnia vestra prosperitatis tenore *qui Bamberg.*
diriguntur, vt iustū est, congaudemus: & siquid aduersi vobis *Episcopatum*
occurrerit, quod diuina repellat obumbratio, vt decens est, *tenuit ab anno*
condolemus: & hanc eandem charitatis vicem vos erga nos *1054 & q. 1060.*
seruatur, non dubitamus. Quapropter dilectionis vestra ro- *& dicitur in*
gamus priuilegium, quia, quidam militia vestra N. nomine *Prodromo An-*
misericordiam nostram & auxilium petens, venit; vt sibi illam *natum Bam-*
hanc scaram cum vadimonio, quam vobis iureiurando promi- *berg.*
fit, nostri amoris & rogatus causa dimittatis; vt ego ex parte
mea vobis compensem, patremq; meum, vt & ipſe vobis com-
penseret, instigem.

VII.

Epistola eiusdem Henrici IV. Imp. ad Ruper-
pertum Episc. Bambergensem.

HEINRICVS DEI GRATIA Romanorum Imper-
ator Augustus Ruperto Babebergensi Ecclesie E-
piscopo gratiam, & omne bonum. Notum eſe
tibi, quanto periculo tota fluctuet Ecclesia;
quantus error in omni surgit Saxonia: quantaq; desolatio-
ne nobilis illa Metensis penitus deſtruitur Ecclesia. Et non
ſolum

folūm ibi, sed & in diuersis partibus Ecclesia nostri diuiditur Imperij. Igitur consilio nostrorum fidelium statuimus fieri Mognuntia colloquium in Dominico die ante proximum S. Andreæ festum. Huic colloquio omnes regni Principes nostri fideles inter sunt: Et præterea omnes, quorū nobis vtilis declaratur aut fides, aut cōsilio prouidētia. Ad quod venire te, quām int̄imè rogamus, quia nullatenus tam ardua negotia regni, & diuisio Ecclesiæ coadunari poterit, sine tua maxima sapientia, & egregio cōsilio & fide, quæ hac tenus nobis frequēter in necessitatibus, & in huiusmodi cōtrouersiis regni, prout nos voluimus, & res exegerat, prēstò fuit. Ad quod Colloquiū omnes Saxones nostri fideles veniēt, rogantes summopere, nos in Saxoniam venire, & hos nouos errores cōponere. Metenses autē è cōtrario Metim clamant nos transire; quatinus illic tandem pax & securitas reddatur Ecclesiæ. Nos quoq; inuitante Archi-episcopo, Colonia nativitatem Domini celebraturi sumus; & idcirco statuimus hoc Colloquiū ante fieri, vt huiusmodi dissensiones regni prius cōponeremus; quām nos in remotiora transiremus loca. Sed idcirco prædictam expeditionē distulimus, quatinus communī omnium nostrorum consilio, quæ nobis agenda sint, considerentur. Ergo rogamus te, per eam, quā compater nobis effectus es, dilectionem, ne te corporis a-gritudo, vel quælibet alia res impedit, quin ad præfatū Colloquium tempore statuto venias; & ibi iuxta magnam sapientiam & solitam fidem tuam de nostra & regni vtilitate, quæ necessaria sunt, nobiscum disponas.

VIII.

Epistola eiusdem Henrici ad eundem.

HENRICVS DEI GRATIA Romanorum Imperator Augustus Ruperto Babebergensi Episcopo gratiam, & omne bonum. Quoniam semper nobis fuisti fidelis, quemadmodum debuisti, & nostrum honorem sicut vir sapiens & fidelis egregius retinere & amplificare studuisti; grates tibi quām maximas referimus, & inde

Inde procul dubio scias dignam tibi facere remunerationem intendimus. Tuam igitur rogamus fidelitatem confidenter, ut beneficio, quod fuit * Ou. diuitis nullam promissionem vel concessionem alicui facias, donec nobis loquaris, aut in-
* In M. S. v.
fer, Vdonie.

de nostram sentias certis literis voluntatem. Si enim hoc at-
tenderis, nos faciemus propter tuam charitatem, quod nos
rogasti in tuis literis: Et tu stude honori nostro, sicut in te
confidimus prouidere.

IX.

Epistola eiusdem Henrici ad eundem.

HENRICVS Dei gratia Roman. Imper. Augustus
Ruperto Babenburgi Episcopo gratiam suam
& omne bonum. Nouit optimè dilectio tua, quā-
to tépore, quām optima fide nobis seruierit Ou.
& filius eius G. qui nuper miseranda omnibus bonis, quia
immatura, morte recessit à seculo. Vrget itaque nos tam hu-
manitatis compassio, quam iustitiae necessitudo, vt in paruu-
los eiusdem G. auita & paterna seruitutis memores simus, &
orbitati eorum debitæ pietatis suffragio consulamus. Vnde,
te sollicitè commonemus, & summis precibus obsecramus, vt
filio eius Patris beneficium benignè pro respectu Dei, & no-
stra interuentione concedas, nulla hoc differens occa-
sione, nulla excusans, vel abnuens ratione. Com-
mendationem autem pueri usque in præ-
sentiam nostram vt differas ro-
gamus, sicut de nobis
curas.



Nn Epi-

Epiſtola eiusdem ad eundem.

EINRICVS Dei gratia Imp. August. Ruperto venerabili Episcopo & dilecto compatri gratia sua optimam voluntatem. Quia in custodia Babberensi per effectum operis nostram implesi voluntatem; magnas tibi grates, sicut optimo fideli nostro referimus. Quod superest, rogamus, & firmiter tibi precepimus, ut prohibeas, ne eiusdem Ecclesiae custos alicuius inde aut calumniam in bonis suis patiatur; & illos, qui se de illa custodia beneficiatos afferunt, Episcopalia autoritate constringe, beneficia de ipsorum manibus execute, & restitue. Nam id Principum nostrorum decreto indultum atque concessum & confirmatum est, ut nullus Praepositus, vel custos Ecclesiae, potestatem habeat quidquam de bonis Ecclesiae in beneficium alicui praestare: Et, si factum fuerit, irritum haberi.

XI.

Epiſtola eiusdem ad eundem.

* Compatri.

EINRICVS Dei gratia Romanor. Imp. August. Rupero Reuerentissimo, & * patrino suo in Christo dilectiss. gratiam suam, & plurimam in Christo salutem. Cum praे omnibus maximam habeam in te fiduciam, miror, quod totiens te pro una eademq; re rogaui, & nihil mihi dignum pro mea spe respondisti; præsertim cum ita nihil unquam ita sit arduum, quod putauerim abs te mihi denegari. Sed & adhuc iteratas preces ingeminando identidem dilectionis tua dulcedinem velim exoratam; ut de custodia Ecclesiae tua inclinatus mihi aurem præbeas, & eam mihi per præsentem nuncium transmittas. Præterea, quia Comes Ou, obiisse dicitur; non aliter terogo, quam ut reuocem tibi in memoriam, si quid pro amore & voluntate tua, fecerim; ita ut aperte in hac petitione experiar,

qua-

quantum me diligas: Nec te rogo, nisi talia, quæ honori, & proficiui tuo erunt profutura. Rogo inquam, ut beneficia, quæ ex te habuit, nulli promittas, nec aliquid inde facias, sed totam ipsius rei actionem differas usque ad nostram vtriusq; ad inuicem præsentiam.

XII.

*Epistola Ruperti Episcopi Bamberg. ad
Henricum IV. Imp.*

REINRICO desideratissimo Romano Imperato-
ri, Augusto; Rupertus Dei gratia id quod est cum
vniuersa congregacione Babebergensis Ecclesiarum
seruile obsequium, & sine intermissione con-
stantiam orationum. Maximas vestrae pietati gratias referi-
mus, magisque in dies pro vestra sanitate & Imperij stabilita-
te orare non cessamus: quoniam omnes petitiones nostras be-
nignè suscipitis, misericorditer in necessitate subuenitis, no-
strisque fratribus honores, dignitates, beneficia impendendo,
vniuersum claustrum nostrum honoratis. Prædium autem pie-
tatis vestrae, quo nostrum stipedium adauxisti, partim vestri,
partim ministeriales Domini N. inuaserunt, vestram elemo-
synam sub vestro singulari patrocinio nobis penitus abstule-
runt. Nos profecto nihil ipsis, nihil aliis quibuslibet in
beneficium de eodem prædio concessimus, sed in perpetuam
vestri nominis memoriam nostris usibus ordinauimus.

Nunc igitur nos omnes communiter vestram implora-
mus benignitatem, quatinus Imperiali vestra legatione inua-
forum illorum audaciam redundatis; qui vestrum Imperiale
decretem transgredi sunt, quod indissolubiliter constituitis,
ut prædium illud nec a nobis, nec ab aliquo Præposito vlli ho-
minum in beneficium posset concedi; sed pro salute animæ ve-
stri, nostræ deseruiret in perpetuum necessitatibus. Itaque vestra
Imperialis legatio efficiat, quatinus modò predicta præda no-
bis restituatur, ac deinceps nullus fratrum editum transgre-
diatur.

Nn. 2 Epi-

*Epistola eiusdem Ruperti ad eundem
Henricum.*



Esiderantissimo Domino suo Heinrico serenissimo Romanorum Imperatori Augusto; Rupertus Dei gratia Babebergensis Episcopus, ceterique sui fideles Nurenbergenses cum instantia orationum seruile in omnibus obsequium. Sicut in omnibus vestris negotiis ego Rupertus deuotissimum me semper exhibui, sic etiam usque in finem maiori quoque studio in omnibus vestræ obedientiam voluntati. Et quidquid per Dominum G. mihi iniunxit, omni circumspectionis diligentia ad vestram voluntatem perficere studeo. Perfectæ verò dilectionis ardore nullatenus celare vos audeo, tam amicos, quam inimicos noua quædam machinando confederari. Et valde necessarium est, ut quantocuyus ad nos redeatis. quoniam praesens corpore facilimè potestis vniuersa ad vestram voluntatem componere, quæ vestri absentia in incorrigibile malum formidamus excrescere.

*Epistola Ecclesie Bamberg. ad Henricum
Imperatorem.*



Erenissimo Domino suo Heinrico Imperatori Cæsari Augusto Babenbergensis Ecclesia, speciali quadam fidelitate sibi semper suisque antecessoribus deuincta, fidele & stabile seruitium cum deuotis orationibus.

* Henrici III.
cui cognomen
Nigro.

Gratias agere diuinæ bonitati non desistimus, qua inspirante, clementia vestræ dominationis, more & exemplo * Patris vestri, piissimæ memorie, nos & locum nostrum benigno fauore, & quasi singulari quodam affectu hactenus dignata est respici.

respicere & confouere. Vnde solita pietate vestra confisi, dispoliati, & immoderata rerum nostrarum deuastatione penè iam desolati, genibus vestræ commiserationis cum lacrymis, & querelis perniciem necessariis prouoluimus. Si quid enim ab hostiis immanitate relinquitur, hoc totum à vestris ministerialibus quibusdam vbiique deuastatur: vbiunque possunt, sine respectu Dei & vestri. Quorum illi quidem qui apud HAMERSTEIN præsident, octo carradas vini nobis hoc anno abstulerunt. Oleum autem, quod ad Quadragesimale tempus deputatum, M. cum præter eum deferretur, ex toto præripuit. Porro R. cum suis complicibus omnia nostra suæ domui contigua, vsq; ad desolationem deuastavit. Ecce qualia nos vestri à vestris patimur: sed adhuc peiora veremur: nisi Deus, & vestræ iussionis autoritas quantocuyus subuenire dignetur. Rex regum, & Dominus dominantium, vitam & honorem vestrum, Serenissime Domine, prout expedit necessitas totius Imperij, prolongare atque conseruare dignetur.

X V.

Epistola Ecclesie Bambergensis ad Adelbertum Archiepiscopum Moguntinum.



Delberto sanctæ Moguntinæ sedis Archiepiscopo, & Romanæ sedis Legato, sanctæ Babenbergenis Ecclesie Clerus reuerentiam cum dilectione, & obedientiam cum humilitate.

Primum quidem Domine, gratiarum actiones vestræ paternitati referimus, & à Deo retributionē vobis postulamus, quod in tantis negotiis regni occupatus, aurem vestram à clamore nostro non auertistis; sed auxilium vestrum in tribulatione nostra, nobis affore, promisistis. Quæ benevolentia nullis meritis nostris exigentibus nobis exhibita, nos adeò Paternitati vestræ alligauit, ut nunquam eiusdem benevolentia ob-

Nn. 3 liuisci

Iuisci decreuerimus. Ex promissione itaque vestra, quam per Legatum nostrum audiuius, in specie adducti, iterum atque iterum ostium misericordia vestra pulsamus, & pedibus vestris prouoluti oramus, ut causam nostram, quam tractadam, pro gratia vestra suscepistis, sicut vobis moris est, pro honore vestro, tum pro dilectione Episcopi nostri, tum pro nostra semper mansura deuotione, perfectè & integrè terminetis.

Nouerit autem Paternitas vestra, quod milites Domini N. immo exactores eius, fratrem & dispensatorem nostrum, & Sacerdotem Dei inhumanissime, & sicut eos decebat, tractauerunt, & tandem omnibus rebus suis & nostris retentis, scilicet VII. palafridis, & XVI. marcis, quibus nobis vinum compandum erat, & quod sine lacrymis reminisci non valens, vestibus omnibus usque ad verecundam nuditatem abstrectis, infirmum, & vix baculo innisum, peditem abire permisrunt. Sunt autem nomina eorum, qui hoc fecerunt, N. & N. & N. Cæterorum vero nomina modo exciderunt. Quod nos Domine (quia oculi totius regni ad consilium prudentiae vestrae, & ad auxilium potentiae vestrae respiciunt) vestre gratia committimus; tanto de vestra misericordia presumentes, quanto post hac, proximis, vobis volumus esse deuotiores.

XVI.

Epistola Adalberti Archiepiscopi Moguntini ad S. Othonem Episcopum Bambergensem.

De hoc Adelberto seu Alberto, lego Sevarium lib. 5.
Rerum Moguntin. Loquitur de Excommunicacione lata in Henricum V. maxime anno 1116.



Delbertus Dei gratia Moguntinus Archiepiscopus, & Apostolicæ sedis Legatus, Venerabilis fratri Ottoni Babenbergensi Episcopo salutē in Domino. Excommunicationem, quam, communicato fratum & Principum consilio, in iuasorem Regni fecimus, iam dudum fraternitati vestrae per literas nostras significauimus: Sed, quia dubitamus, utrum ad vos peruenient.

sint literæ; audiuius enim, quod Ecclesia vestra, velit eas ignorare; Mittimus iterū præsentes apices, monentes, ut, quod fecimus nos, & nos faciatis, & per omnes Ecclesias vestras ipsam iniquitatis auctorem cum fautoribus suis à communicione Christiana, & omni diuino officio arceri præcipiat.

XVII.

*Epistola eiusdem Adalberti ad S. Othonem
Episcopum Bambergensem.*

ADelbertus Dei gratia sanctæ Moguntinæ Ecclesie licet indignus, & humilis minister Ottoni dilecto & venerabili fratri suo Babenbergensi Episcopo fraternalm in Domino dilectionem & orationes. Fraternitatem vestram coram Deo, & hominibus hactenus laudabiliter vixisse, & contra haereticos, tempore huius schismatis, plurimum desudasse pro Ecclesia, nulli penè dubium est. Quanto igitur zelum vestrum erga Deum, & Ecclesiam ^{*fernentiorē} dudum esse cognouimus, raro ^{*Vide Anno.}

magis nunc miramur, quod tamen salua fraterna charitate dicimus, vos Deo & Ecclesiae minus deuotum existere, & quodammodo refrixisse: cùm iam magnum ostium nobis aperium sit recuperandæ unitatis Ecclesiasticæ, cùm iam bonum certamen nostrum, Domino cooperante peruererit ad finem, & nunc quam maximè vobis & omnibus orthodoxis sumnopere satagendum sit, ut quod dudum à nobis est inchoatum bene, votiuum in Dei nomine sortiatur effectum.

Dilectioni vestræ pridem significauimus, ut sanctæ Apostolice sedis Legato, & fratribus nostris Coëpiscopis vestris, ac ceteris Catholicis Principibus in loco, qui dicitur Pleselt occurrere velletis, & VVirzeburgensis ^{*Ruggericem} Episcopi unā nobis ^{*Gebhardum.} scum interesse ordinationi. Ad quam utique prompto, & acri animo, etiam non rogatus venire debueratis; non solum, quia Coëpiscopus, sed etiam quia concius vester est, & iure ^{Eft aurē Ruge-} propinquitatis ipsum quodammodo familiarius & specia- ^{gerus ordinatus anno 1122} lius

lius diligere debetis. Sed, quia venire neglexisti, Dominus Cardinalis usque ad satisfactionem à diuino officio, ceteris consentientibus, vos suspendere voluit. Nos autem pro singulari amore, & reuerentia vestri, ne quid durius contra vos difiniri deberet, vix obtinuimus.

Nunc itaque fraternitatem vestram rogamus, & ex auctoritate Domini Papæ, & Apostolicae sedis Legati, & nostra præcipimus, ut vniuersali Concilio in nativitate sanctæ Dei genitricis Moguntiæ celebrando, omni amputata occasione vestram exhibeatis præsentiam; ut ibi & Domini Papæ legationem cognoscatis, & de statu Ecclesie vna nobiscum in commune consulatis. Si qui verò Episcoporum huic sancto Concilio interesse neglexerint, sciant se ex auctoritate Domini Papæ, & Apostolicae sedis Legati, & totius Concilij synodalis sententia, qua huiusmodi præsumptores feriendi sunt, modis omnibus subiacere.

Annotation in XVII. Epistolam.



Aussam huic epistola scribenda dedit consuetudo S. Othonis, qui in tanta rerum omnium turbatione, quantum consequi poterat, publico abstinentia, sua Ecclesiæ res curabat. Quod non nulli tam Catholicæ; quam schismatica partis ægrè ferebant. Clares hoc testatur Urspergensis, qui ista: Anno Domini M. C. XIV. Dominus Imperator (Henricus V.) Natalem Domini Babenberg cum summa magnificentia, copiosaq; Principum multitudine celebrat: Et hoc simpliciter, quia virum Des Ottonem inibi Episcopum, propter quedam iam orientia in Regno scandala, Curiam frequentare renuentem, ex parte suspectum habebat. Ipse verò transitorius pro Concordia Ecclesiastica non parcens, beneficis indecessu animo sitatem Regis gloriose deuicit.

Ideam Urspergensis. Ceteris, qui aderant, &c. ad Curiam venire Babenberg Nonis Maij (M. CC. XXIV) indicebat (Henricus.) Factus est itaq; conuentus idem non modicus, &c. Quibus singulis necessarios sumptus vel ex toto, vel ex parte ministrabat venerandus Episcopus.

scopus Otho, preter publicum atque constitutum antiquitus Imperatoria
Majestati, quod Aulicis etiam importunius exigebat seruitum. Ab ipsis
deniq; Pater idem notabatur rarius quam ceteri presules Palatium visi-
tare; ipse vero Monasteriis constituendis & restaurandis, eleemosynis dispe-
ndendis, orationibus inuigiladiis, ceteraque tam practice, quam theoretice stu-
diis insinuandis sese maluit occupare. Nec deerant, qui id inuidiae causa
muisantes publicis potius functionibus impendendum iudicaret; sicq; Cæ-
sar's animositatem contra virum Dei commouere tentarent. Sed quia Do-
minus custodit omnes diligentes se, & vias peccatorum disperdit, iste rebus
transitoriis pro tempore non parcens, miro modo, quamvis vndiq; regiones
fringente penuria, sufficienter omnibus ministrando bonitate malitiam
vicit, non sicut & charitatis officiis, totius in se Regni benevolum affectum com-
meruit. Hæc Vrspergensis. Non semper tamen publicis absti-
nuit, Nam Anno M. C. V. cum ceteris Romam legatus missus
est pro Henrico V. contra Henricum IV. Et Anno M. C. XXI.
transactioni Catholicorum & schismaticorum ad Mogūtiam
interfuit: & ad Principes Noricos transactionis indicandæ
caussa legatus abiit. Et tandem pacem inter Ecclesiam & Impe-
rium Anno M. C. XXII. initam chirographo suo confirmauit.

XVIII.

*Epistola Episcopi Halberstensi ad
S. Othonem.*

TRONI, Domino suo Venerabilis sanctæ Baben-
bergensis Ecclesiæ Pontifici * N. per misericordiā
Dei Halverstatensis Ecclesiæ [Episcopus] si quid est,
Squotidianum laudabilis vitæ incrementum. Si re-
rum vestrarum status prosperitate fruatur, si condignè morū
ac vitæ compositioni concordat, vobis, vt decet, congaude-
mus: si non, condolemus, quia id ipsum de fidelitatis vestræ
excellentia speramus, & certum habemus. Si ergo rerum no-
strarum statum scire cupitis, vt amico, cui maximè confidi-
mus, cui flum & quantis nostræ anchoram, ingruente tempestate,
infigimus, vt amico inquam, quem post Deum unicum ac cer-
O O tissi-

* Edetur leg.
O. Gr. si Orbo;
de quo Cræcina
lib. 6. Metropol.
cap. II. de quo
Epist. seq. Ho-
norius Postfex.

etissimum imbecillitatis nostræ sustentaculum esse, non diffidimus, dilectioni vestrae intimamus. De proxima ista, quam nostis, expeditione, in qua ob honorem regni & Ecclesiæ diligentius ceteris laborauimus, reuersi, domi vbi pacem & concordiam, vbi tranquillitatem & recreationem inuenire debuimus, odium & discordiam, schismata & intestina bella, peccato heu nostro exigente, inuenimus. Aduersarij enim nostri N. & N. Ecclesiæ nostræ Canonici, qui & prius nobis aduersabatur, quibusdam solitaे fraudis industria collectis, inter quos N. nominatissimus, & quasi primicerius, iterum in nos insurrexerunt, cleroque conuocato, lacrymabilia & inaudita crimina, quæ Deo teste, nunquam commisimus, in faciem nobis obiecerunt; inter quæ, electionem nostram non fuisse Canoncam ideoq; & consecrationem nostram asserunt esse irrita; insuper quoque & simoniam nescio quam N. nobis imponit, quam se Canonica autoritatē statuto tempore probaturum afferit.

Nos ergò tanta, tamque inaudita infamacione perculsi, Moguntinæ sedis Archiepiscopo rem omnem scriptis aperimus, huiusq; rei consilium, & auxilium quæsiuimus. Qui literis ad Ecclesiam nostram directis, omnimodis nos excusavit, electionemque nostram iustum & Canoncam fuisse comprobans, criminatores nostros reconciliari nobis condigna satisfactione præcepit. Illi verò obstinationi sua iussa Archiepiscopi postponentes, nec non & Magdeburgensis Archiepiscopi, qui ad sedandam hanc motionem regio iusu aduenit, monita spernentes, adhuc in conspirationis suæ vecordia persistunt. Quapropter aram misericordiæ vestrae amplectentes ad vos confugimus, debitumque clementiæ vestrae auxilium humiliter imploramus. Quidquid enim alij faciant, vestrum est ex gemino charitatis vinculo nobis assistere, labantesque brachio virtutis vestrae sustentare. Proinde rogamus quatenus literas vestras ad Metropolitanum dirigatis, & vt in causa nostra diligens esse velit, causa vestri efflagitetis. Rogamus quoque, vt vbiunque Concilium pro huius rei discussione conuocetur, vos adesse velitis.

XIX. Epi-

Epiſtola Honorij Pontificis ad Othonem Epiſcopum Halberſtattensem.

Honorius Episcopus seruus seruorum Dei, Venerabili fratri Ottoni Haluerstatensem Episcopo, salutem & Apostolicam benedictionem.

Grauis ad nos de persona tua quere la peruenit. Accepimus enim, quoniam Haluerstatensem Episcopatum per laicalem violentiam, & quod detestabilius est, per simoniacam hæresin occupasti. Quantum autem flagitiosam istam pestem simoniaca hærefoeos sancta Dei Ecclesia abhorreat, Petrus Apostolus in principio nascentis Ecclesie manifestat, qui Simonem Spiritum sanctum vendere volentem cum sua pecunia condemnauit. Si ergo huius sceleris te reum esse cognoscis, satius est, ut cedas, & delictum tuum in hac vita punias per pœnitentiam, quam ante oculos districti iudicis iudicandus appareas. Datum Beneuenti XV. Kal. Nouemb.

Epiſtola Babebergensis Ecclesie de Hermanno ad quendam Episcopum.

Beuerendissimo Episcopo, & in Christi membris valde honorando E. tota Babebergensis congregatio deuotissimam seruitutem cum perpetua orationum constantia.

Susceptis literis sanctitatis vestrae, quibus animum vestrum graui admiratione pulsari dicitis, quod rem tantam, & tam inusitatam priuata quasi temeritate præsumpsimus. Omnia intelleximus, totum negocij tenorem longè aliter vobis, quam res esset, innotuisse. Quamobrem, ut & discipline Ecclesiastica apud nos illibata integritas, & totius actionis veritas, remota omni falsitatis nebula, elucescat; rem gestam, quan-

Oo 2 tum

Pro huīus epiſtola clariore;
intellectu lego
Greg. VII. Pon-
tif.

Lib. 2. Registrū
epiſt. 76. Et lib.
3. epiſt. 1. 2. 3. Et
lib. 1. epiſt. 84.

tum Epistolaris modus patitur, breuiter vobis exprimere ten-
tabimus.

Cùm pro persona, qua de agitur, diram infamiam simo-
niacæ hæreseos, execrabilemque confusionem evidentissimi
periurij ab omni Ecclesiâ sustineremus; & omnes ferè vestri
Ordinis, Episcopi scilicet & Archiepiscopi, publicè, ipso Rege
audiente, omnia Christi Sacraenta prophanari deplora-
rent, & chrisma, corpusque Domini, quod ipse confecrerat,
velut immunditias menstruatae exhorrerent: Gradus eti-
am Ecclesiasticos, quos ille instituisset, detestabili illusione
deumbratos assererent: malū enim inscitiae, quod in eo, quan-
tum sit, vos optimè nostis, ad immanitatem aliorum, licet in-
tolerabile, leue ducebamus.

*De Hermanni
huius inscritio
lepidam hispa-
nolam refert
Bruno initio
Commentarij
de Bello Saxonico.*

*Archiepiscopus
Moguntinus
Sigfridus.*

Hæc itaque, aliaque id generis infinita, que verecundia mo-
destiaque nostra, Deo teste, dissimulat, cùm iam ecce in deci-
mum annum tristissima patientia pertulissimus; tandem ali-
quando tacti dolore intrinsecus, & planè diuinitus admoni-
ti, humiliter nos ad pedes illius abiectimus, obsecrantes & ob-
testantes; vt, quia vocatus ad Synodus sedis Apostolica fuisset,
si in innocentia suâ consideret, iter arriperet; & tam se, quā
nos tam detestabili opprobrio, tanquam immani periculo
liberaret: aut, si aliud sibi conscientia sua suggereret, tum ve-
rò per timorem Dei, vt sibi nobisque alia ratione consuleret.
Et ecce, dum hæc agebatur, Deo sic ordinante, superuenit Do-
minus Metropolitanus. Cui, dum omnia retractata fuissent;
& ipse querelas nostras, vtpote omnium gnarus, plurimum
accumulasset, tandem ipsius auctoritate id statutum est, illo
nostro approbante, atq; etiam obsecrante; vt ex Collegio fra-
trum duo, vel tres Romam irent, in quorum præsentia se ab
impositis criminibus secundum Canonum statuta, expur-
garet. Quod nisi factum fuisset, iam ultra nullam obedientiam
à nobis expostulatum, aut aliquod Episcopale ius sibi inter-
nos vindicaturum. Ipse yltronius sacrosancte se obstrinxit.
Atq; hæc domi acta sunt.

Eccé autem Romæ, dum terminū vocationis suæ superse-
disset, & vix interuentu quorundam officium suum, quo pri-
uandus

uandus erat, usque in diem Palmarum, quia tunc venturus sperabatur, obtinuisse, cum vero & has inducias frustrasset, tum Dominus Papa in ipsis Albis, Cardinalibus suis in unum congregatis, presente Archiepiscopo nostro, qui illuc inopinatus aduenerat, assidentibus etiam reuerentissimis nostris Episcopis, VVitzburgensi & Metensi; ibi, inquam, Papa ipsum Archiepiscopum, aliosque nostros terribili obtestatione conuenit; ut, quae de Babebergensi Episcopo vere sibi comperta essent, edicerent. Tum Archiepiscopus, cum ab omnibus ultro citroque fuissent ventilata, vere & absque omni controversia, eum Simoniacum pronunciauit; in tantum, ut grandem suam ipsius pecuniam in id facinus expensam diceret. Omnibus, qui aderant, ipsum uno ore succlamantibus. Ita negotium diffinitum est; ut, si ipse noster Romam perueniret, ibi sua causam sententiam exciperet. Sin vero retrogradus fieret; tum Archiepiscopus ex precepto Domini Papae, Clero populoque Babebergensi denunciaret; ne ullam sibi obedientiam, utpote damnato, exhiberent, omnemque eius communionem & consortium, ut planè Simoniaci declinarent. Atque haec Romæ acta sunt.

Interea noster cum fiducia cuiusdam intercessoris sui, quem ingenti pecunia redemerat, quemque infinitis variarum specierum opibus ad explendos Romanorum cupiditatis hiatus præmiserat; dum illius, inquam fiduciâ, proprius Romanus accessisset, ita ut vix bidui iter restaret: ibi tristis nuncio rei gestæ percussus substitit. Fratres vero, qui cum eo venerant, quasi testes innocentiae ipsius astituri, Romanum progressi; cum literas Fratrum Papae obtulissent, post multa, quæ longum est persequi, id demum ab eo mandatum accepere, ut, si ipse ad suscipiendam sententiam Romæ se non presentaret, Fratres eum omnino excommunicatum scirent, atque ab omni eius contagione, nisi secum perire mallent, præcauerent. Hac ut exsecuti sumus, teste ipsa veritate, ita domi forisque gesta sunt.

Quid ergo hic à nobis abusuè factum quisquam probaverit? Quid, inquam, hic factum, quod religiosi, & serui Dei

O o 3 tan-

tantopere mirari, & non magis summopere lamentari debeant? Nam quid taciturnitate nostra decenal' patientius? Aut quid tandem suggestione nostra, quæ lacrymis, gemitibus, quæ insinuata est, humilius? Quid autem disciplinæ Ecclesiastice congruentius? quam, ut tantorum malorum exitus, & remedium, consensu & rogatu ipsius consilio & auctoritate Metropolitani à sedi Apostolica peteretur? Nam quod Reverentia vestra nos monet, vt vos in partem consilij admittamus; nō vos in partem consilij admittimus: quin imò totum consilium vobis secundum ea, quæ gesta sunt, committimus; certi omnino, prudentiam vestram terminos Patrum, aut decreta Spiritus sancti nullatenus excessuram.

Quòd autem in spe absolutionis illum adhuc esse dicitis; hanc profectò & nos ei à Deo Patre misericordiarum omnibus votis exposcimus: quæ tamen nulla vñquam esse poterit, nisi ab renunciata peste, qua tenetur. Nam, ut beatus Gelasius ait; Christum mortuos suscitasse legimus; in errore positos absoluimus, non legimus. Porrò, quod cum bono recompensaturum, si quid nos læsit, promittitis: absit, absit, ut eum aliquo carnali, aut priuato, quod verba vestra subinnuunt; sed verè perfecto, & spirituali odio persequamur: quo & ipse se, si sapit, maximè omnium *persequitur. Quod autem priuatis & publicis fortunis nostris & periculis consulendum esse admonetis, nihil horum inopinatum, nihil improuisum nobis occurret: Et Deo gratias, si inter eos computabimur, de quibus scribit Apostolus; Vobis datum est pro Christo, non solum vt in eum credatis, sed vt etiam pro illo patiamini. Et ad Hebræos; Rapinam, inquit, bonorum vestrorum cum gaudio suscepistis, cognoscentes vos habere meliorem & permanentem substantiam. Vbi & magnificè nos exhortans subiicit; Nolite itaque amittere confidentiam vestram, qua habet remunerationem. Porrò, quod in calce literarum dicitur; siemendatus recipietur; id verò est omni admiratione stupendum. Cùm enim, si emendatus fuerit, non sit Episcopus, quomodo & recipietur? Aut, si emendatus fuerit, cùm sit excommunicatus, quomodo recipietur?

En

* Persequi debet, forte.

Phil. I.

Hebr. 10.

& bid.

En longius, & breuius, quām vellemus, paternitati vestra respondimus: veruntamen sapienti sat dictum est. Nunc ergo per Christum vos rogamus, vt ipsi Christo supplicetis; quatinus Ecclesiam, tam periculose fluctuantem placito sibi pastore mature componat & gubernet. Multum enim valet de-
precatio iusti aſſidua. Et benē nosſis, quām gratum, acceptum-
que illi ſit; quando pro ſuo ſibi corpore, quod eſt Ecclesia,
ſuum ſibi corpus per inaſtimabile mysterium offertur. Om-
nium fraternitatē ſub vobis & vobifcum Deo ſeruientem, o-
mnium humilitas vnicē in Christo ſalutat.

XXI.

Epiftola Adelberti ad Ottonem Babenber-
*gensem de * Gebehardo Herbipo-*
lensi Epifcopo.

* Fuerat hic ab
Henrico V. Imp.
in illam ſedem
intrufus Anno
1122.

ADelbertus sancta Moguntina Ecclesiae humilis minister, & Apostolicae ſedis legatus, venerabili & in Christo dilecto fratri & Coepifcopo, Domno Ottoni ſalutem & obsequium fraternalē dilectionis. Tribulationes & deſtructio[n]es Herbipolensis Ecclesiae, que & quanta ſint, quamdiu durauerint, iam dudum diſcre-
tioni veſtrā innotuit; que vſque adeò multiplicatae ſunt; niſi in breui eis prouideat omnipotens & misericors Dominus; quod in proximo Ecclesia illa omnimodis annihilabitur. Vnde, ſi facultas ſuppeteret, veſtrā fraternalitatis praefentiam & co-
ſilium potiſſimum deſideraremus conuenire, & de ipſius re-
formanda pace & religione, quantū diuina misericordia con-
cedet, ſolicitus peractare. Siquidem Fratrum, qui nobiscū ſunt, & quoſ praſentialiter, vel per literas noſtras conuenire potuimus, tale eſt conſilium. Quoniam venerabilis frater & Coepifcopus noſter* Rogerus viam vniuersitatis carnis ingressus * Ruggerus la-
eft, in hoc Ecclesiae illi prouideamus, vt promouendo Fratrem g̃itimus Eccle-
ſiam Gebehardum, diſpersa illius Ecclesie diſpensatoriè potiſſima Virzbur-
recolligamus, quām alium ſuper imponēdo grauiter quidem genſis Epifcopo.
diſper-

dispersa funditus extirpari permittamus. Quocirca fraternalis
vos commonemus charitate, ut presentiam vestram conuen-
tui Fratrum nostrorum, quos in id ipsum conuocauimus, in
proximo festo B. Lucæ velitis representare; vel, si id minimè
valueritis adimplere, consilio, quod Spiritus sanctus vobis di-
ctauerit, cōsensus vestri literas non differatis transmittere. Va-
lete, & in orationibus vestris nostri memoriam facite.

XXII.

*Epistola Honorij Pontif. de eodem
Gebehardo.*

Honorius Episcopus seruus seruorum Dei venerabilis fratri Adelberto Moguntino Archiepiscopo salutem & Apostolicam benedictionem. Super causa Gebehardi, de quo nos rogauit tua fraternitas, fratrum nostrorum Episcoporum & Cardinalium consilium requisivimus. Ex eorum ergo deliberatione prouisum est, quod in Herbipolensi Ecclesia Gebhardus idem non debeat ylterius Episcopatus apicem obtinere. Data Lateranis.
IV. Non. Martij.

XXIII.

*Epistola Adelberti ad Ecclesiam Herbipolen-
sem de eodem Gebhardo.*

Adelbertus Dei gratia sanctæ Moguntinæ Ecclesie humilis minister, & Apostolicae sedis legatus, dilectis in Christo filiis Virzeburgensis Ecclesie Prælatis & subditis Clero & populo, esse in Christo cor vnum & anima una. Condolentes ex corde Ecclesiæ vestre tot iam ac tantis tribulationib. attrite, exhortamur vos in Domino, ut simplices & inanimis in domo Dei ambulare satagatis. quia, scriptura teste; in siffra mentium Deus non est; Et quæcunq; mala vos adiuuerunt, ex discordia radice procerferunt. Vnde oportet, ut ad hanc exsirpandam diligentius in-
vigiletis, Deumq; & singuli, & in commune precemini, quatenus

terus misericordiae suæ oculis vos respiciat, & talem finem diuturnæ calamitati vestrae imponat, ne deinceps talis oppressio-
nis periculum vobis incumbat. Concordia siquidem, sicut
sepe audistis parvae res crescunt, discordia magna dispereunt,
quod quia manifesto experimento didicistis, commonemus
ut tanti malii perniciem deuitare studeatis.

Ne vero voluntatis nostræ ignorantia vos in aliquo com-
moueat, vel diffidere faciat: nouerit pro certo dilectio vestra,
nos idem sentire, quod omnes Catholicæ de vestra sentiunt Ec-
clesia, id ratum tenere quod Romana sanxit, & denunciauit
auctoritas: cuius terminos nec debemus, nec volumus transi-
re, quia, hæreticum constat esse, quisquis Romana Ecclesiæ
etiam in tam iusto iudicio non concordat. Quod si adeo nos
concordes in iustitiae causa perpenditis, ut locum vestrum ab
inuasione impetratoris alicuius, si quis forte emergerit, defende-
re confidatis, in nomine Domini, quidquid vobis gratia e-
ius inspirauerit, confidenter aggrediamini: si quo minus, sa-
lubriori & propensiōri consilio res tractetur. quia, consulta &
considerata dilatio, licet grauis & onerosa sit laborantibus,
plus tamen utilitatis solet afferre, quam festinata, & indiscre-
ta rei præcipitatio. Cupientes autem in omnibus, vobis esse
proutsum, nihil aliud audemus ad præsens persuadere: ne, si
forte res in contrarium cesserit, quod Deus auertat, omnem
culpam in me, quasi auctorem, refundatis.

XXIV.

*Epistola Ecclesie Virzburghensis ad Eccle-
siam Bambergensem, de eodem
Gebhardo.*

Domo L. Babenbergensi Præposito, Decanoque
L. & ceteris confratribus eiusdem Ecclesiæ, Vir-
zburghensis Ecclesia quidquid charitatis & obse-
quij valet esse in Domino. Nostis charissimi, (ne-
que enim ignorare potest vestra prudentia quod multorum
aures & præcordia longè lateq; concussit) videlicet quantitate
Pp p estatis

pestatis procella, quam vehemens & intolerabilis calamitas Ecclesiam nostram oppresit. Ad quod, dum vestrae compunctionis affectum specialiter debemus habere; quod etiam remotissime & ignota Ecclesia nobis pro Christo offerunt, nimis aliena mente nobis videmini abnegare. Ecce enim, quod si ne graui gemitu mirari vel conqueri non valemus, obstupescimus valde, quomodo hominem illum Dominum Gebhardum, quem Romana Ecclesia damnauit, quem Metropolitanus noster cum Archiepiscopis & Episcopis multis consequenter ab Ecclesia sequestrauit, vos in Catholica communione receperitis, & si, cum gratia vestra dici potest, quasi ad contemptum Romanorum, imo totius Ecclesiae, sicut scriptum est, cornu peccatori dedistis. Hoc autem eo magis miramur, quod Praepositus vester dominus * L. præsens apud nos era, quando dominus Archiepiscopus publicè in pulpite nostro nunciauit clero & populo, quomodo, quibus de causis, quoque ordine Romana Ecclesia eum à communione Ecclesiae sequestrasset, & quomodo postmodum dominus Gerardus Cardinalis unum cum ipso & cum tota Ecclesia ibidem congregata in Argentinensi Ecclesia, præsente domno Rege, sententiam excommunicationis in eum promulgasset. Neque enim per Dei gratiam ita inopes rationis, vel humanitatis sumus, ut cuiquam vestrum, qui sancti sapient in praesenti negotio, nimis precipites videri debeamus; cum utique si partes eiusdem negotij per omnia vobis essent cognitæ, quantum de vestra charitate & prudentia confidimus, nullatenus de vobis possemus dubitare.

Nostras itaque literas, nostras querimonias iam dudum vobis misisse mus: sed, quia viuam vocem Praepositi vestri testem nostræ affectionis vobis credebamus sufficere, idecirco nihil timoris, nihil ambiguitatis de vobis concepimus. Veruntamen ut cunque humana se habeant, fixi & constantes in obedientia Romana Ecclesia reperiemur, summoperè cauentes, ne proper temporale damnum, vel commodum de nobis scandulum Ecclesiae generetur. Valete in Domino semper: nec credatur omni spiritui, & nostri memores estote,

Epi-

*Expostulant
Heribolenses
cum Bambergensibus obrecepsum Gebhardum.*

* M. S. E.

Epistola Ecclesiae Bambergensis ad Virzburghensem.

Sancta Virzburghensis Ecclesiae Dominis ac fratribus suis serenissimis & reuerentissimis, soror sua semper & ubique ipsis deuota Babenbergen sis Ecclesia inter aduersa presentis tribulationis, nec ad dexteram, nec ad sinistram declinare, sed ab instantis saeuissimae temptationis procella, auram serenitatis, ac portum tranquillitatis non verbo & lingua tantum, sed opere & veritate a Deo salutari suo instanter ac vigilanter implorare.

Optamus diligenter recolere discretionis vestrae prudentialiam; qualiter nostra & vestra Ecclesia iam olim ab initio unum cor & unam animam ad inuicem omnibus in rebus, sine prosperis congaudento, seu aduersis compatiendo habere studuerint. Cuius videlicet semper amanda nobis societatis, atque, ut ita dictum sit, congermanitatis iura, & vos haec tenus illibata erga nos conservasse congratulamur; nec nos violasse, teste Deo, & conscientia, libera voce protestamur.

Quae cum ita sint, cum quod nos semper usque modo, sicut decebat, & facultas suggerebat, ad omnia vestrae voluntatis & honoris obsequia promptos ac deuotos fuisse probaueritis; non modicum admirationis, immo etiam amaritudinis & doloris ingesserunt nobis literae quaedam, quae ex persona vestrae fraternalitatis allatae, praeter meritum & culpam magnam cuiusdam inhumanitatis nos arguunt, simul & superbiam temeritatis. Inhumanitatis quidem nota splendorem innocentie nostrae obfuscat, dum compassionis affectum specialiter vobis debitum; quem & remotissima & ignota Ecclesiae vobis pro Christo offerant, nos quasi duros & inhumanos nimis aliena mente vestrae instanti calamitati denegare impropereant; Temeritatis vero superbiam obiectant, dum nos quasi ad contemptum Romanorum, immo totius Ecclesie, dominum Gebehardum excōmunicatum in Catholica cōmunione recepisse, sicque cornua peccato rū dedisse proclamatant.

Pp. 2 Qua-

Quasi verò ita ab omni ratione simus alieni, adeò omnis bonarum rerum inscij, vt ignorare debeamus; quis, à quo, & quo ordine à Catholica communione sit eiiciendus. Quia ergò incautæ & illicitæ excommunicationis quasi ad opprobrium simplicitatis nostræ in eisdem literis vestris arguimur, culpam nostram, si tamen est culpa dicenda; auribus vestris prudentiæ placuit retexere.

Domnus Eckehardus (quem quidem locum & nomen dum inter vos habuisse designati & electi Episcopi à quamplurimis audieramus; reprobationem verò ipsius nec dum certa & legitima relatione cognoveramus:) vespertina hora de improviso, nobis nescientibus, veniens, apud nos hospitatus est. Manè autem facto mandauit nobis, pro causa sua, velle nos conuenire, & consilium nostrum super negocio suo audire: quod nechæretico quidem excommunicatissimo denegandum esse censentes, iusta petenti annuimus. Venit; causam suam exposuit, acceptoque responso, moxque discessit. Quid igitur charissimi fratres & Domini? hoccine est, ad contemptum totius Ecclesiæ excommunicatum in Catholica communione recipere? Hoccine, inquam est, peccatori cornua dare? Non sic arbitramur quenquam despere, vt hoc præsumat sapere. quia, non sic sapiunt, non sic scribunt Patres & Doctores Catholicae Ecclesiæ. Possemus equidem latius, & subtilius aliquid de modo & ordine excommunicationis facienda secundum traditionem SS. Patrum differere: nisi prævito duci sciremus, in re manifesta, præsertim apud doctos, odiosa verborum copia diffluere. Vnde, prætermisis his, quæ somitem odiorum & discordiarum generare solent, ea potius dicamus, quæ pacis & concordia nutrimēta præbeant. Igitur de nobis sic habetote. Orta tempestate in mari. Dominum dormientem in naui, fusis pro vobis, quod solū possumus, piis precibus excitare indefinēter incumbimus. Quod si Domino votis nostris annuente, & ventis & mari imperante, diu desiderata tranquillitas subsecuta fuerit; de vestrâ liberatione haud secus ac nostra congaudebimus. Si aliter, quod eDus auertat, euenerit, viscera fraternæ compassionis nequaquam



quam occludemus. Hoc decet fratres de se inuicem arbitrari,
& non ex rumoribus vulgi,sive ex suspicionibus, de nondum
benè compertis quenquam calumniari; sed omnia, præsertim
in negotiis fratum & amicorum in meliorem partem inter-
pretari. Quid plura? nobis & nostris,sine retractatione,pro-
ut velitis,iuxta meritum vestrum vtimini.

XXVI.

*Epistola Innocentij II. Pontificis ad Adal-
bertum Archiepiscopum Mogun-
tinum.*

SN. Seruus seruorum Dei Adalberto, venerabili
fratri Moguntino Archiepiscopo, & Apostoli-
ca Sedis legato, salutem & Apostolicam benedi-
ctionem.

Scimus quidem zelum Dei vos habere, quem tamen sal-
ua charitate condire debetis, ut nihil indiscretè, sed omnia ra-
tionabiliter, & secundum Deum agere valeatis. Virze-
burgensis quippe Ecclesiæ designatus Episcopus se à vobis
côtra iustitiam grauari, & præiudicium sustinere, querelas no-
bis depositus: quod ipsum neq; accusatoribus, neque testibus
legitimis conuictum, neque sponte confessum, neque Cano-
nicè examinatum, tanquam Ecclesiæ inuasorem, in qua se ele-
ctum assuerat, & Simoniacum pronunciatum, communio-
ne Ecclesiastica priuaueritis. Quod si ita est, fraternitatem ve-
stram à Canonicis regulis diuinitus inspiratis, liquidò con-
stat deuiasse. Ait enim sacra Canonum auditoritas, adimi Epi-
scopo Episcopatum non debere, antequam cause eius exitus
apparet. Item exempla Felicis Papæ scripta Athanasio, & cœ-
teris Episcopis in Alexandrina Synodo congregatis. De iudi-
ciis Episcoporum, vnde nos consuliſtis, diuersas à Patribus
regulas inuenimus constitutas. Quidam enim ad repellenda
impeditorum machinamenta, & suas præparandas responsio-
nes, & testes confirmandos, & Concilia Episcoporum quæ-
renda,

Pp 3 . renda,

renda, annum & sex menses mandauerunt concedi. Quidam autem annum, in quo plurimi concordant. Minus vero quam sex menses non reperi; quia haec Laicis indulta sunt: quanto magis Sacerdotibus. Induciae namque non sub angusto tempore; sed sub longo spacio concedendae sunt, ut accusati se preparare, & testes parare, atque contra insidiatores se pleniter munire valeant. Iudices autem & accusatores tales esse debent, qui omni careantur suspicione, & ex charitatis radice, suam desiderent sententiam promere.

XXVII.

Epistola Adalberti Archiepiscopi ad Innocentium Pontificem.

N. Sanctissimo & uniuersali Papæ, Adalbertus Dei gratia sanctæ Moguntinæ Ecclesiæ humili minister, & Apostolicæ sedis Legatus, debitam vt tanto Apostolico obedientiam, & deuotissimam vt tanto Patri reuerentiam.

Acceptis sanctitatis vestra literis super causa fratris illius, sitamen frater dici debet, qui sibi sanctæ Virzeburgensis Ecclesiæ Episcopatum usurpat. Intelleximus totius cause ordinem longe aliter, quam se veritas habet summo Apostolatu vestro innotuisse. quia, multa solent per surreptionem fieri. Idem namque sanctitati vestra contra nos querelas depositus, dicens, se à nobis præindictum sustinere, & contra iustitiam prægrauari. Nos vero in hac causa, Deo teste, & conscientia nostra nihil egimus, quod Canonicis regulis possit obuiare; nihil vnde sanctitati vestra suspecti esse debeamus: nihil vnde aliquis, qui causam ipsam plenius tractauerit, possit nos reprehendere. Sed quidquid in hac causa egimus, non zelo amaritudinis, sed zelo iustitiae, non aliquo odio permoti, sed officij intuitu: non contra sanctorum Patrum Canones, sed secundum Canones egimus.

Scimus quidem iuxta sanctorum Patrum regulas diuinorum inspiratas, Episcopo Episcopatum adimi non debere; antequam

tequam causa eius exitus appareat. Sed optimè nouit sanctissimus Apostolatus vester hanc sanctorum Patrum sententiam de dubiis Episcoporum causis, non de manifestis intelligi debere. Eius verò, de quo agitur, impudentissima causa, & certum crimen, nullum legitimæ defensionis, nullum iustæ excusationis colorem recipit. Luce enim clarius patet omnibus, quod nullis meritorum priuilegiis, nulla præunte electione ad tanti sacerdotij gradum est ascitus, sed tyrannica violentia intrusus, in ouile Dominicum non per ostium intrauit, sed aliunde per ambitionem, & Simoniacam hæresin, tanquam fur & latro impudentissime irrupit, & quod sine magno dolore, & cordis compunctione dicere non possumus, locum legitimi Pastoris sibi usurpauit, quem sibi sancta Virzeburgensis Ecclesia de filiis suis communī voto & consensu Cleri & plebis, nobisque laudantibus & consentientibus Canonicè inthronizandum elegerat; ut potestate natalibus & moribus nobilem, Ecclesiastica disciplina apprimè imbutum, fide Catholicum, natura prudentem, vita castum, sobrium, humilem, affabilem, literatum, in lege Dei instrutum, in sensibus scripturarum caustum, & per omnia sacerdotali nomine & honore dignissimum.

XXVIII.

Epistola quorundam Episcoporum ad Ottōnem Babenberensem Episcopum de obitu Heinrici IV. Imperatoris.

A* Moguntinus, † F. Colonensis. v. Constantiensis. B. VVormaciensis. A. Spirensis per Dei misericordiam Archiepiscopi. v. Fuldersis Abbas. H. quoque Dux, F. Dux, G. Palatinus Comes, B. Comes de Sulzbach, & ceteri vtriusque professionis Principes, qui exequiis Imperatoris intererant, Venerabilis fratri Ottoni Episcopo hinc fraternalis in Christo orationes, inde fidelissimum deuotæ seruitutis obsequium.

Post-

Postquam dominus Imperator viā vniuersæ carnis ingressus est, & nos exequias eius cum iusta deuotione & reverentia compleuimus, ipse ordo rei & temporis qualitas exigere videbatur, vt de statu & pace regni aliquid conferremus, si non abesset præsentia vestra cōsilium, & aliorum Principum, tanto negocio vtile & pernecessariū. Quam exspectare, quia graue erat & difficile, sed it omnium nostrum sententia, si vestra tantum non displiceret concordia, Curiam in festo Beati Bartholomai apud Mogunciam celebrare, & ibidem conuenientibus Principibus de statu & successore regni, ac negotiis necessariis, prout Spiritus sanctus aspirauerit, ordinare. Nullum tamen præiudicium deliberationi & voluntati vestrae facientes, nihil nobis singulare ac priuatum in hac re usurpamus; quin potius discretioni vestrae hoc apprimè intimatum esse cupimus; quatenus oppressionis, qua Ecclesia cum vniuerso regno usque modo laborauit, dispositionis diuinæ prouidentiā inuocetis, vt in substitutione alterius personæ sic Ecclesia sit, & regno prouideat, quod tanto seruitutis iugo amodò careat, & suis legibus uti liceat, nosq; omnes cum subiecta plebe temporali perfruamur tranquillitate. Contestamur etiam dilectionem vestram, vt pacem credito nobis cælitus populo, infra præscriptum Curia terminum, & ultra ad quatuor hebdomades ordinetis, quatenus omnibus tutior fiat concursus areditus, & vt curialiter, more videlicet antiquorum Principum cum propria impensa nemine pauperum lædentes conueniat.

XXIX.

Epiſtola Eberhardi Episcopi Bambergensis ad Abbatem Monasterij Admontensis.

Berhardus Dei gratia Babebergensis Ecclesie humili minister, Domino G. venerabili Abbatи de Admūte, & vniuersis fratribus suis in Christo dilectissimis secundum utrumq; hominem debitam in Christo deuotionem.

A Domi-



A Domino factum est, & non tam mirabile, quam placabile & acceptabile debet esse in oculis vestris, quod quibusdam sanctimoniorum vestrum deliciis. Deo gratias, spiritualiter iam pridem inescati, denuò ad vos pia mentis auditate recurrimus. Evidem fratre Helmerico quondam Abbatte S. Michaelis in ciuitate nostrâ dimissâ Abbatiâ, propter languores, & diurnas corporis aegritudines in loco placido, pro suo beneplacito collocato, potestas eligendi Abbatem, ab vniuersis eiusdem monasterij Fratribus, nobis & in nos translata est.

Nos verò, inuocata diligentius Spiritus sancti gratia, consilio Domini A. de Ehera, & aliorum religiosorum, qui aderant de sanctissimo beatitudinis vestra Collegio, Dominum Irmbertum in Abbatem praedicto & principem dilecto monasterio nostro designauimus; pusillis quibusdam ad inopinatam electionis sortem primò hæsitantibus, sed in continenti, virilis animi recollectis, nostra autoritati & tam sincere electioni connuentibus debita cum humilitate & obedientia.

Præfatum igitur electum à vestra sancta & plurimum dilecta fraternitate requirimus, denotissimè rogantes, atq; supplicantes, ut sine difficultate nobis eum concedatis, ut velocius currat sermo Domini, ne, quod absit, dilatione ipsa, tam si bi, quam nobis intus aut foris aliqua adhærescant dispendia. Sine dolore utiq; non dimittitur, quod cum amore retinetur. Sed affectum personalē supereret in vobis, qui spirituales estis, affectus ille, qui latius patens in virtute charitatis, ordinatissimè ad communem plurimorum se porrigit utilitatem.

XXX. secundum ordinem

Epiſtola Conuentus S. Michaelis ad Monasterij Admontensis indigenas.



OMINO G. omni reuerentia colendo Abbatii & vniuerso Capitulo Admontensis Cœnobij tota de Monte S. Michaelis in Babenberg Monacho-

Q q rum

rum Congregatio deuotissimas orationes cū obsequio. Cū post diuturnam & magnam corporis debilitatem Dominus noster Abbas Helmericus ad portandum onus curse pastoralis se minus sufficere peruideret, negotiū Marthę fastidiens, & oculum Marię amplexans, sapienti vsus consilio, curam resignauit. Nos verò fuisis ad Deum precibus, & postulatis sanctorum intercessionibus, ad inueniendum ei successorem conuenientes, praeunte electione & consilio Domini Episcopi, viri eminentissimi, & potentis in opere & sermone Domini Irmbertum Fratrem vestrum in Abbatem elegimus; quem etiam transmissis ad vos Fratribus nostris, presentium latoribus, à sanctitate vestra cum multa humilitate requirimus, tam ex iure electionis, quam ex dilectione charitatis, quia simoniacatque benevolentia vestra fluuios ad omnes profluere optatis.

De cætero omnis multitudo seruorum S. Michaëlis se vobis prosternit Domine Abba venerande, supplicans cum lacrymis, ut necessitatem Monasterij nostri attendatis, atque famosæ ac latè olentis distinctionis atque industria vestra in germano vestro nos participes faciatis, omni scrupulositate, seu difficultate remota, ne qua laboris, aut via dispendia nobis accrescant.

XXXI.

*Epiſtolac Abbatū S. Emmerano & Priuigen.
ſis iuxta Ratisbonam.*



Omino & Patri G. Admontenium venerando
Abbati A. de Sancto Emmerano, & E. de Prue-
nigen Abbates in ea, quæ nunquam excidit,
charitate, cum instantia orationum, deuotio-
nem seruitij. Scriptum nostis; Omni petentie tribus. Vnde,
in quantum possumus & audemus, paternitatis tuae pru-
dentiam obsecramus in Domino, vt petitio Domini no-

tri Episcopi Babenberensis, quæ in D E O facta est, & à D E O procedit, vestrâ benevolentia effectui mancipetur. Non enim inconsultè, vel subito, sed longo molimine, & multo consilio verbum hoc promouere intendit. Nos verò dominus vestræ propagines, & vestri Spiritus participes in Domino eidem electo, & vobis in ipso significamus, & significando promittimus in Domino, quod in omni opportunitate sua, ipsum Episcopum, & Ecclesiam ipsius omnes maiores & meliores, & nos quoque laborum suorum habebit fidos & deuotos adiutores. Remoto igitur omni scrupulo, hæsitationis, intrrepidè, ac fortiter de D S I misericordia præsumendo, piis desideriis Episcopi & Fratrum de Sancto Michaeli pia deuotioni satis facere curate, atq; de thesauris vestris ad exornandum domum suam exoptatam eis margaritam præstate.

XXXII.

*Epistola Eberhardi Episcopi Bambergensis
ad Abbatem Admontensem.*

EBERHARDVS GRATIA D B I si quid est, Venerabili & in Christo plurimum dilecto Fratri & amico G. Admontensi Abbatii salutem, & eam, quæ nunquam excidit, charitatem. Non dubitetis mittere Fratrem vestrum ad locum, ut credimus, à D E O sibi præparatum. Sicuthonorem appetere, ambitio, ita onus detrectare, ignavia est. Pignora nostra vobiscum habetis. Si nobis non creditis, illis credatis. Periculum illud, quod gravissimum est, videlicet in falsis fratribus nihili vobis, aut ei sit. Erunt prava in directa, & aspera in vias planas. Considerate fructum arboris insitæ, quid sapiat. Surculum enim sapit, non stipitem. Ego ero ei in patrem, & ipse mihi erit in filium. Ad* Archangelum Dei veniat Angelus Domini. Veniat, veniat, & multum benè veniat.

* Ad Montem
S. Michaelis.

Q 2

Epistola

*Epistola Eberhardi Salisburgensis Archiepi-
scopi ad Conuentum Cremisminste-
rianum.*

BERHARDVS GRATIA DEI Salzburgen sis Archiepiscopus dilecto Fratri Irmberto & venerabili Electo Monachorum de Cremis munstura oratione & fraternalm dilectionem. Quanta diligentia & solicitudine Frater noster dilectus & venerabilis Episcopus Patavienensis pro vobis laborauerit, personam vestram cupiens exaltari in monasterio Cremis munstur, eo quod spectaret disciplinam monastici ordinis in eodem loco collapsam, per vos posse reformari, non ignorat fraternitas vestra. Cuius instantia, cooperante gratia Dei, eo usque conualuit, ut monachorum eiusdem loci, aliquando Deo atque Episcopo suo repugnans, humiliata & contrita sit, in tantum, ut nunc deuote monastico Ordini, cui aliquando resistere intendebant, colla submittentes, secundum intentionem & desiderium Domini Episcopi Abbatem a nobis expectent, sicut in litteris, quas Domino Abbatii direximus, plenius cognoscere potestis.

Nihil itaque iam restat, nisi ut humiliter colla iugo Domini subiiciatis, & ad laborandum in vinea ipsius, studio boni & fidelis servi animum præpareatis. Speramus enim de Deo misericordia, quod omnia vobis faciat ad votum concurrere, annuente & cooperante industria Domini Episcopi, nec non aduocati effectuosisima benevolentia. Mandamus itaque in nomine Domini, & mandando præcipimus; quantinus ei qui elegit vos in partem solitudinis Sanctorum, Deo omnipotenti deuote & humiliter obediatis, & ad curam, quæ vobis offertur, fideliter exequendam Domino Episcopo Cremis munstere occurratis.

-05(?)90-

XXXIV. Epi-

*Epistola Eberhardi Episcopi Salisburgensis ad
Abbatem Admontensem.*

BERHARDVS DEI GRATIA Salzburgensis Ecclesiae dictus Episcopus dilecto & venerabili fratri Admontenium Abbatii Orationem & fraternali dilectionis affectum. In colloquio, quod nuper cum Domino Patauensi Episcopo fratre nostro habuimus, pars non parua Fratrum de Cremis munsture, prouectioris videlicet atatis, & prudentia maiore fulta, requisuit electum suum Dominum Irmbertum, promittentes deuotè sati omnem ei obedientiam & subjectionis reuerentiam, tanquam Patri pro se ac cæteris omnibus se exhibituros; hoc tantum humiliter interponentes & suppliciter rogantes, quatenus infirmitati eorum in hac parte pareatur & consulatur; ut legendi & cantandi usum, quem à pueritia didicerunt, & in consuetudinem duxerunt, tenere ac seruare eis liceat; durum sibi & graue existimantes, ab his, in quibus consenserunt, ad prima pueritiae studia, quasi ad primos apices & clementa reuerti.

Petunt etiam, vt, si quæ apud eos utilia & honesta, ac monasticae religioni consona inueniantur, nequaquam pariter cum his, quæ correctione indigent, conuellantur, tantò libenter securi, quò eos plium magisterium duxerit, quantò in virtutum matre discretione partes suas agente, nequaquam simul sana, ac putida resecari cognoverint. Laici quoque, id est, familia Ecclesiae, fidelitatis plenam ac deuotam reuerentiam offerunt. Quamobrem, quia, Domino cooperante, eo usque res deducta est, ut pax nunc sperari debeat, post tempestatem tranquillitate facta, rogamus in Domino, & mandando præcipimus, quatenus deuotè potentibus, adjuncta prece Domini Episcopi, laicis ac monachis electum suum cum magna benevolentia & honestate detis; ne dilatio noua sa-

pe interueniens nouam pariat difficultatem; & nos rei coram
Deo iaueniamur; Episcopus quoque aduersum nos quer-
lam inueniat, graues se in vanum expendisse labores do-
lens.

XXXV.

*Epistola Conradi Episcopi Passauiensis
ad Abbatem Admonten-
sem.*



ONRADVS DEI GRATIA Patauiensis Episco-
pus G. venerabili Abbati Admontenium salu-
tem & fraternæ dilectionis plenitudinem. Scire
discretionem tuam congruum ducimus quod
III. Kal. Iunij super controuersia, quæ diu agitata est internos
& Fratres Cremesmunsteræ de electo eorum Irnberto Præla-
tos Ecclesiæ nostræ in eundem locum conuocauimus. Ad hoc
causa deducta est, quod de cætero nullam vocem habet, quæ
admittenda sit, contradicendi, quia appellatio, quam ad Do-
minum Papam fecerunt omnino frustrata est, & nullum scri-
ptum, nobis reportauerunt. Inde est, quod summo opere vos
rogamus, ut proxima quarta feria post habitum conuentum
Prælatorum nostrorum nobis omni occasione remota occur-
ratis, & electum illum, in locum, ad quem Deus eum vocavit,
ibi & aduentum vestrum præstolamur, vobis cum adducatis.

XXXVI.

*Epistola Conradi Episcopi Passauiensis ad
Abbatem Admontensem.*



ONRADVS DEI GRATIA Patauiensis Ecclesiæ
humilis minister G. Venerabili Abbati Admon-
tensis Cœnobij salutem æternam, & synceram
dilectionem, Ad ostium amici pulsauimus & pul-
samus;

famus, & Deo fauente, pulsare non desistimus, donec accipiamus panes, quotquot habemus necessarios. Vestra igitur pietas dignetur exaudire preces nostras petitionibus, & mandato Domini Archiepiscopi adiunctas, Fratrum quoq; Fratrem vestrum Domini Irmbertum potentium dignanter exaudite clamores, ita videlicet, vt si non eò quod amici simus, propter improbitatem tamen iugiter pulsantium surgatis, & postulata donetis. Ne verò in longum differatis vterius, quod petimus; dilectum Fratrem nostrum G. Præpositum, de latere ad præsentiam vestram mitimus; cui etiam commisimus plurima dicenda, ex parte Domini Archiepiscopi, & nostra, quām comprehendendi valeat Epistolari compendio. Ipsum igitur benignè auditestam pro suę fidelitatis certitudine, quām pro nostri dilectione.

XXXVII.

Epistola Eberhardi Episcopi Bambergensis ad Irmbertum.

BERHARDVS, DEI GRATIA, Babenberensis Ecclesiae humilis minister, specialiter dilecto, & in Abbatem diuinitus electo Domino Irmberto salutem & sincerę charitatis affectum. Cor nostrum præ gaudio dilatatum est, quando, vos à Deo nobis datum vsq; ad nostra iā peruenisse, cognouimus, sperantes, qd in troitu vestru benedictus sit Devs nobis & domui nostra. Toto itaq; cordis affectu in amplexus vestros spirituales vlnas charitatis expandimus, corde simul & ore dicentes; *Benedictus qui venit in nomine Domini.* Postpositis autem omnibus aliis negotiis, in Assumptione Beatissimæ MARIÆ Virginis cum iocunditate vos recipere, Domino annuente, disponimus, vt Beatus Michaël Archangelus in confortium supernorum ciuium suis vos assumat patrocinii. Rogamus autem, vt infra terminos Episcopatus nostri appropriando nuncium nostrum Michilueli expectetis.

XXXVIII. Epi-

Epistola Eberhardi Bamberg. Episcopi ad Abbatem Admontensem.



BERHARDVS Babenberensis, gratia D^EI, si quid est, Venerabili & in Christo plurimum dilecto Domino G. adem gratia Admuntensi Abbatii salutem in Domino cum oratione & obsequio. Fatemur, & in veritate fateri cogimur; demembrasti, cuiscerasisti, & quodammodo excordasti vosmet, en altera vice pro nobis: prius quidem in Abbatissa nobis transmissa; nunc, in Abbatie ab ipsis præcordiis paternæ, & germanæ dilectionis auulso pro nobis. Proinde nobis in gratiarum actione deficientibus, Dominus pro nobis retribuat; & consoletur vos, sicut per vos consolati sumus & nos. Evidem post illud dimidium cordis vestri, quod pridem concretum in spiritu cordi nostro coaluit, & D^EO gratias, à vulnere translationis iam benè conualuit. Reliquum nunc cordis vestri dimidium, auctore Deo, non solum nostro, sed & omniū eorum cordibus quibus à Deo datus est, ita influxit, quod di^{ctu}m incredibile est. H^c sit vobis consolatio, Pater sancte; & nos habeatis de cætero vñā cum his membris vestris, quæ nobis in multa charitatis virtute incorporasti, ut alter alterius onera portantes, sumus omnes membra corporis Christi in unitate Spiritus, qui pro nobis orantem vestram sanitatem usq; ad plenitudinem dicatum vegetet & conseruet in columem.

Epistola Conuentus S. Michaelis ad Abbatem Admontensem.



Euerentissimo & amantissimo Patri & Domino G. Admuntensium Abbatii omnis chorus monachorum S. Michaelis cum instantia orationis humil-

humillimè deuotionis obsequium. Debitas gratiarum actiones, reuerende Pater, sanctitati vestræ profundè inclinando referimus, quod longa orbitate multatos, non vndeliberet, sed de corde vestro auulsum Irmbertum bonum, pium, & prudentem Patré habere fecisti, atque adhuc ut melior, & magis pius, atque prudentior esse debeat, vestrum eum consiliis ad honestatem & utilitatem Ecclesię nostrę munire atque informare non neglexisti. Omnes enim litera vestra, siue sororum vestrarum, quæ pro ipso ad Dominum Episcopum, siue ad nos directæ sunt, nec non & illæ, quæ ad ipsum secretius venerunt, quanto discretionis sale condita, quænta dulcedine, ac suauitate resperse sint, non facile valet explicari. Verum hæc omnia, nobis & pro nobis dicta & scripta esse, & Spiritum sanctum auctorem eorum cognoscentes, tanquam salutis nostræ priuilegia publicè ac priuatim ea lectorando satiari non possumus. Sciat is autem, quod multum consolationis in his, atque in ipsis Domini & Patris nostri I. Verbis ac moribus iam dudum acceperunt quidam ex nostris, qui tanquam membra infirmiora circa initium huius rei trepidauerunt ibi, ubi non erat timor. Nam quibusdam ex nobis timidis & infirmis, ut verum fateamur, nomen Admuntensium horrorem fuit quia de confragosis & saxosis, & montuosis locis vestris nihil dulce, nihil iocundum vel humanum se habituros sperabant.

Verum, quia longè aliter esse, re ipsa experimur, præuenti à vobis in benedictionibus dulcedinis, & desiderium animæ nostræ, vobis tribuente, consecuti, in magno tripudio & exultatione cordis nostri, & vos Pater venerande & Domine, locum vestrum, Fratres & sorores vestras, & omnia, quæ ad vos pertinent, ipsumq; Dominum ac Patrem nostrum, Fratrem vestrum, intimo ac pleno deuotionis affectu amplectentes, & in timore & amore D'st, quidquid filij ac serui Domino & Patri timoris & amoris exhibere debent, omni subiectionis reuerentiæ exhibentes, corde simul & ore decantamus. Viuat anima tua Domine, ut n. u. m. n. p. n. def.

De cætero venerandam paternitatem vestram humiliter

Rr

&

& obnixè rogamus, vt, si quo modo fieri possit, in festo Beati Michaëlis Archangeli ad nos venire dignemini, vt quos absentialiter rebus & verbis magnificè ditas & recreastis, presentialiter habundantius latificeris & consolemini.

XL.

Epistola Eberhardi Bamberg. Episcopi ad Abbatem de Michelsfeld.



BERHARDVS DEI GRATIA Babebergensis Ecclesiae Episcopus Venerabili G. Abbati de Michuel salutem & sincerè charitatis affectum. Rogamus dilectionem tuam sine mora occurrere dilectissimo nostro electo sancti Michaëlis, & à loco, in quo nunc est, cum omni honestate deducere in domum tuam, ibique, prout decet, deuotè ministrare, vsq; dum nuncium nostrum acceperis,

XLI.

Epistola Eberhardi Episcopi Bamberg. ad Abbatem Michelsfeldensem.



BERHARDVS, DEI GRATIA, Babebergensi Ecclesiae Episcopus Venerabili Fratri G. Michel uel Abbati salutem & omne bonum. Proxima Dominica Domino annuente, Babenberg venturi mandamus, vt vna cum electo Sancti Michaëlis ibidem ante introitum ciuitatis nobis occurratis, ita vt nobis scum ipsam ciuitatem ingrediamini.

Episto-



XLII.

Epistola Irmberti ad Abbatem

Admontensem.

 Harissimo Domino & Patri G. Admontensem
Abbati Frater Irmbertus seruorum sancti Mi-
chaëlis seruus tam deuotam, quam debitam sub-
iectionem, orationem & seruitatem. Benedi-
ctus Dominus die quotidie prosperum iter fecit nobis Deus
salutarium nostrorum. In festo itaque S. Benedicti ad mo-
nasterium Bergen deueni, vbitanta religionis, disciplinae &
diuine seruitutis emolumenta inueni, quibus & laboru meo-
rum consolationem, & immensam Spiritus mei consecutus
sum recreationem. Quanta erga me Domina Abbatisse, Prio-
ris, Præpositi, & omnium sororum ac Fratrum ibi fuerit deuo-
tio, nec verbis, nec literis vestrae Paternitati referre valeo.

Ibi itaque per XXVI. dies Dominu Herbordum exspectaui:
qui a me digressus, cum per septimanam Ratisponæ Fratrem
VVolserum exspectasset, Domino meo Episcopo Babenber-
gensi apud Erphurt occurrit, omnemque ei suæ legationis se-
riem exposuit. Qui quo gaudio, qua dignatione, qua pietate
me suscepit, literarum eius, quas mihi misit, textus vobis in-
sinuabit. His itaq; literis Dominus Herbodus in vigilia S. Os-
valdi apud Bergen me requisiuit, cum Domino Abbatte de
Michiluelt, quem Dominus Episcopus illò cum suis literis
pro me direxit. Qui quanta liberalitate cum suis omnibus me
suscepit, & per septimanam tractauerit, Frater Adelbertus
vobis referre poterit.

Sabbato itaq; ante festum S. MARIAE huncius præfati Do-
mini mei Episcopi eidem Domino Abbatii superuenit, vt se-
quenti die Babeberg ante introitum ciuitatis sibi occurreret,
meq; secum adduceret. Vbi me veniente descendens de equo
benignissime suscepit, & ad processione, que sibi in maiori Mo-
nasterio

Rr 2

nasterio gloriōsē p̄parata fuit secum, per ciuitatem adduxit.
Finita eādē processione cū magno apparatu, cū Responsorio
Dominicali, *Super salutare;* & à Vespertinali; *Tota pulchra es;* chorū
salutauit, eiq; me salutandū obtulit. Quo pacto Dño Hartūgo,
Domino Herbordo, multis q̄aliis, p̄cipuē ipso Domino Ab-
bate cum suis me comitantibus, nudis pedibus montem a-
scendi, vbi ipse Dominus meus Episcopus cum Domino meo
Brunone Episcopo, cum Domino Decano, custode & maiori-
bus multis Ecclesiaz, & conuentu populari me honorificē su-
scepit; Fratribus monasterij partim cum Domino Priore ante
ostium Ecclesiaz cum magno apparatu me excipientibus, par-
tim in monasterio cum Responsorio Dominicali *Super salutem;*
& in choro cum Responsorio *Tesandūm Dominum;* honorifi-
centissimē suscientibus: cantuque peracto in Choro tam
Dominum meum Episcopum, quām & me per osculum pa-
cis humiliter salutantibus. Inde in Capitulo Domino meo
Episcopo cum Fratribus Canonicis & monachis considente,
meque sibi assidente Dominus Hartungus & Herbordus om-
nem legationis suā seriē exposuerunt, testimoniumq; tam
vestrum, quām Fratrum & Sororum omnibus super me retu-
lerunt. Dominus meus Episcopus pauca ibi pro tempo-
re dixit, & inuestituram loci mihi solenniter contradic-
dit.

Fratres sanè Beati Michaëlis, cuius honestatis haec tenus fu-
erint, qua disciplinæ & religionis institutione coaluerint, in
me ostenderunt, dum & obedientiam mihi benignè promi-
serunt, & benignius exhibuerunt; & tā seniores, quām iunio-
res, literati cum illiteratis, non vti exulem & ignotum, sed vt
Patrem & Dominum, filiali, humili & pia deuotione omnes
me fouere cœperunt. In festo itaque Dñi genitricis, Capi-
tulo, Missarum officio, mensæ conuiuio solenniter exacto,
Dominum meum Episcopum in domo sua visitaui, ipsique
statum rerū mearū gratulabudo gratulabundus exposui: qui
me secū ad sorores deduxit, & tā me illis, quām & illas mihi af-
fectione paternæ commendauit. Sequenti die, ipsius Domini
mei Episcopi iussione Capitulum Canonicorum intraui; &
Domiuo

Domino meo Brunone Episcopo, pro me agente, fraternitatem ab ipsis accepi, sicq; cum Domino Brunone, Decano, aliisq; Dominum meum Episcopum reuisi. Vbi ipse tam suas literas, quas vobis, vel sororibus remiserat, quam vestras & sororum sibi pro me directas in conspectu omnium applaudentium recitari fecit, multaque mihi & pro me benignè locutus me à se piissimè dimisit.

Restat ergò, ut quæ orationum vestrarum præeunte interuentu, bono circa me inchoata sunt principio, orationum vestrarum nihilominus prosequente commeatu, meliori consummentur termino.

De cætero literas, quas mihi transmisstis, Domino meo Episcopo ostendi, quæ tam ipsis, quam Domino Brunoni, & aliis valde placuerunt, quæque cordi meo & memorie iugiter insidebunt. De Fratre Adelberto, quam benignè tecum fuerit, de Ratolfo, quam studiosè mihi seruierit, paternitatē vestræ notum facio; & ut tam ipsis, quam & Vueziloni pro me vices rependatis, suppliciter obsecro. Salutat vos Domina Abbatissa de Bergen cum suis omnibus. Salutat vos Domina Abbatissa de Babenberg, & Domina Palatina cum suis omnibus. Dominum Priorem & Fratres omnes interiores & exteriores pro me salutate.

XLIL

*Epistola Conradi Episcopi Passauensis ad
Abbatem Admontensem.*



ONRADVS DEI GRATIA, Passauensis Ecclesiæ siquid est, Domino G. Admontensi Abbatii, nomen & meritum monastice religionis obtinenti, nec non & vniuersa congregatiōni sub obedientia sua Dabo militanti debitæ orationis affectum, & frequens atque fraternum obsequium. Non spe cuiusdam importunitatis, sed fiducia Domini, & verè charissimæ vestrae charitatis animati, adhuc de media nocte ad ostium vestrum non pro panibus, sed pro illo, qui panem frangat esurientibus, fiducia-

Rr 3

liter

liter pulsamus, petendo petentes, ut tandem aliquando nobis aperiatis, & ad fructificandum in horto nostro plantam, quam desideramus, personam videlicet Domini Rab. non nobis, sed D E O in salutem animarum multarum transmittatis. Siquidem priore cassato labore, pro obtinendo Fratre Irmberto, ne adhuc nos & Ecclesia nostra in Chremesmunsture videremur de consolatione vestra in tanta necessitate nostra dubitare; electus est, & conlaudatus ab vniuersis iam dicti monasterij & Fratribus & Laicis, & vniuersa loci familia consentientib' Dominus & Frater Rab. adeò consonè, ore omniū & corde, quod nec vna persona defuerit, quæ more solenni, sicut & vobis electionis modum transmisimus, in Dominum & Abbatem, illum spontè non elegerit.

Proinde, et si in priore negotio, & electione illius persona Babebergensem Ecclesiā attentius quam nos ē vicino pulsantes exaudistis; adhuc tamen, adhuc de cætero, de vobis bene sperare, & sperata, & rogata impetrare à nobis non abstulisti.

Vnde rogamus sanctitatem & vniuersitatem vestram in Domino, quatenus & me, & electores personæ illius vnamiter exaudire dignemini. Et, ne excusationes denegandi, quod petimus, nobis rescribatis, voluntatem D E I, & Ecclesiæ consuetudinem, & iustitiam in electione & petitione nostra præhonorandam, & Fratrum necessitati condescendendum non ambigatis. Ad irrigandam ergo prænominata congregacionis nostræ ariditatem, hortum conclusum, fontem signatum in charitate dignemini discludere: quia ut emittatur porta quam petimus, & ex ea diffundantur aromata, quæ cupimus, clamare millies, aperite nobis, aperite, non cessamus.

XLIV.
Epistola Cōuentus Cremsmunsteriani ad Abbatem Admontensem.

Reucrendo Domino suo G. Venerabili Patri multum gentium, nec non vniuersæ sanctæ congregatiōni

gationi Admontensis Cœnobij, nouæ desponsationis filio-
li, licet indigni, Fratres Chremesmunsture monasterij, si
quid potest apud Deum pauperum Christi per orationes hu-
militas, quod tantæ dignitatis recipiat sanctitas. Non dedi-
gnetur reuerentia vestra, sanctissime Pater & Domine, literas
nostras recipere, & legere. Et quia nos Saluatorem anima-
rum vestrarum in Domino querimus, & querendo confidi-
mus misericorditer attendere. Quædam autem, salua gratia
vestra præmittimus, de quibus Deum testem inuocamus; sci-
licet, quod postquam Dominum Irmbertum tantum per om-
nia commendatum elegimus, nos, qui residui sumus, semper
eum dileximus, semper eum habere patrem & Dominum de-
siderauimus. Et si adhuc vestræ & ipsius placeret sanctitati in
codem statu laboris procedere non deficeremus, quamuis il-
lum vix vel nullo modo reuocare sufficeremus. Qui verò visi-
tationis sua impedimentum nobis obſtiterint, videat Deus &
iudicet.

Quomodo cuncti verò, siue præscientia DEI, siue peccatis
nostris exigentibus Babebergensis Ecclesia nobis dignior i-
psum elegit, electum vocavit, vocatum obtinuit, meritò in-
gemiscim' & dolemus, adhuc tamē sub spe salvationis ad sinū
misericordiæ pro consolatione recurrentes, de congregatio-
ne vestra Dominum * Rab. lumen veritatis & iustitiae, diuina
præueniente gratia, liberè & canonice, solenniter & vnamini.
f. Rabanum, ve
& supra.

ter, sine murmure, sine omni contradictione tamen de monasterio,
quam ministerialium in Domino elegimus, & electionem no-
stram apud Deum & apud homines subscriptione propriæ per-
sonæ legitimè confirmamus. Ego Chunradus Prior eligo, laudo
Dominum Rab. Patrem & Dominum, & subscribo; &c. quem-
admodum in literis Domino nostro Episcopo directis descri-
psimus: ita & nunc electionem nostram liberam & Canonici-
cam ratam & inconuulsam in audientia vestræ sanctitatis le-
gitimè confirmamus.

Anno-

Annotatio ad superiores Epistolas.

 N signem virum Irmpertum fuisse oportuit, pro quo duo tam celebria monasteria Montis S. Michaelis, & duo Episcopi Bambergensis & Passauensis, imo & Archiepiscopus Salisburgensis tam acriter dimicauerint. Porro de Irmperto & Antecessore eius Helmerico hæc in Manuscripto Catalogo Abbatum S. Michaelis exstant. Diuæ memorie Domino Hermanno ad cœlestia translato Dominus Helmericus huic Monasterio surrogatur; qui rexit Monasterium annis ferè tredecim. Qui Anno Domini MCLX. cura cœsæ pastorali. Obiit eodem anno IV. Idus Decembris.

De Frimberto Abate XIII.

 Omino Helmerico Abate ad Patres suos eunte, Abbatiam regendam suscepit Dominus Irmbertus de Monasterio S. Blasij Admuntensis assumptus. Anno Domini MCLX. qui rexit Monasterium Annis ferè duodecim. Debitum soluit carnis Anne Domini MCLXXII. XII. Kalend. Ianuarij.

XLV.

*Epiſtola Friderici Archiepiscopi Colonensis
ad S. Othonem Episcopum Bamber-
genſem.*

 Omino Ottoni Babenberensis Ecclesiæ Venerabili Episcopo, Fridericus Colonensium, De gratia, id, quod est, in orationibus & obsequio quidquid veræ faternitatis non ociosa efficit dilectio. Quasdam sanctitati vestræ literas iam ante misimus, quas si forte accepistis, de tam longa responsionis vestræ dilatione non parum miramur. Ut enim longam earum sententiam breuiter replicemus, summa intentionis erat, ut prudenter

tiam

tiam vestram ad defensionem, vel saltem ad liberam deplorationem huius, quē videtis, grauissimi sanctae Ecclesiae casus excitaremus: quod ipsum tacito desiderio vos diu intrinsecus fuisse, iam olim cognouimus.

Iterum, venerande frater, iterum idem dicimus; si zelus domus Dei, immo veraciter amor Ecclesiae, quæ domus Dei est, vos medullitus comedit, ne tantam eius desolationem, tam crudelē hæreditatis Dei direptionem, & profanationem nimia patientia vterius dissimuletis. Ecce, per misericordiam Dei, magnum nobis ostium apertum est, ut veritas, quæ diu sicut in manifestum prodeat; ut libertas nostra diu suppressa, ceruicem erigat, quia pro nobis, & pro se ipsa iam in vocē prorupit sancta Romana Ecclesia. Iungit se nobis Francia. Libero, sicut audisti, ore veritatē Saxoniam profitetur. Et quem, charissime Frater, non moueat, quod omnis Ecclesiastici vigoris auctoritas aulicis & Palatinis in quæstum versa est. Synodalibus conuentus Episcoporum, annua Concilia, omnes deniq; Ecclesiastici ordinis administrationes in regalem Curiam translatæ sunt: ut illorum marsupiis inferuant, quæ spiritualiter examinari debuerant. Quid de cathedralis Episcopalibus dicemus, quibus regales villici præsident, quas disponunt, & de domo orationis speluncam planè latronum efficiunt: de animalium lucris regalis fisci os insatiabile repleatur.

Hic nos, qui Ecclesia Dei, per ipsius gratiam, columnæ sumus; qui nauim Petri per huius seculi procellos fluctus gubernare debemus: hic, inquā, nos aduigilare; hic clavum moderaminis firmiter tenere conuenit: ne, nobis segniter torpibus, dum sine nisu moderantis fluctuat, his & similibus impia tyrannidis scopolis allisa conuellatur: vel, quod absit, irruentium fluctuum granitate mergatur: ne canes muti, & latrare non valentes Prophetæ verbis arguamur; néue illud in nos conueniat: Non ascendisti ex aduerso, ut opponeretū murum prædomo Israël.

De nobis quidem, sancte & venerabilis frater, non ex nobis, sed ex virtute, quam Deus in nobis operatur, hoc vobis fiducialiter in ipsius gratia promittimus. quia, ab hac quā cœ-

Ss pimus

pimus veritatis libera professione, nec tribulatio, nec angustia, nec mors, nec vita nos separabit. In hoc enim, sicut scitis, positi sumus; in hoc nouum hominem induimus, ut mortificationem Iesu in corpore nostro circumferamus; ut propter ipsum in morte tradamur: quatenus & vita Iesu in hac nostra mortali carne quandoque manifestetur. In hac ergo tam gloria spe, non deficitus, & de vestra constancia idem speramus, & intimè optamus. Et qualia indigua * passus sitis, ut ad memoriam saepe reducatis, horrantur. Nolite nos viterius longa exspectatione suspendere, sed de vestra sententia scripto nos certificate.

Salutat vos Dominus Chouino Prænestinus Episcopus, & Romanæ Ecclesiæ Legatus, qui Imperatorem, nec non Monasteriensem Episcopum, & Hetimannum de VVitzeburc cum omnibus Gallie Episcopis in Concilio Beluacensi excommunicauit, & hoc vobis notum fieri præcepit. Eadem sententiam iterabit in prædictos, & in omnes complices eorum in Concilio Remensi, quod erit Latare Hierusalem, cum aliis tribus Episcopis nouiter à Romana sede directis. Vale.

XLVI.

Epistola Buggonis Episci Wormaciensis ad Canonicos Bambergenses.



Onfratribus, & Dominis suis omnibus sacrosanctæ Babebergensis Ecclesiæ Canonicis, Buggo Dei gratia, Vormaciensis Ecclesiæ electus, servitium suum & orationes.

Memor vestra fraternitatis, & dulcissimæ educationis, fratres charissimi, recordatione vestri affectus partim ad lacrymas compungor, partim spe vestra consolationis & sublationis vehementer delector. dum hoc onere, quod suscepit, tam importabile meæ ætati & insipientiæ vestrum leuamen, & subsidium spero impetrare. Quapropter, quò magis de vobis cōfido, eo magis admiror, quòd tanto tempore me filium vestrum, vobis per omnia obnoxium inter tot curas, quæ me

pre-

presumunt, ut hostis, consolari distulisti. Et quia inde causa
mœroris & suspicionis mihi suboritur, & ideo per fraternalm
compassionem, & nostrum obsequium vos deprecor, ut apud
Dominum nostrum Episcopum fideli interuentu causam me-
am agatis, scientes, quod in vestra, imo nostræ Ecclesiæ lau-
dem hoc redundabit, si vestro auxilio nostrum honorem di-
uina benignitas stabilire dignetur.

XLVII.

*Epistola Ruperti Episcopi Bambergensis
ad Archiepiscopum Moguniti-
num.*

Dominus & Patri sanctæ Moguntiæ sedis Archipontifici, Rupertus Dei gratia Babenbergensis Episcopus cum instantia precum fidele seruitium.
Nos proculdubio fore illos, in quos fines seculorum venerunt, ex ipsis in dies declaratur periculis. Nam vt cetera omittam, quibus absque morarum interuallis quatimur, imo consternamur, quid vñquam à barbarie nobis in-
cuteretur atrocius, quam à nostra fidei Professoribus, qui vo-
ta fidelium, precia peccatorum, respectu diuini timoris post-
posito, quasi hæreditario iure ad se transmissa suis vñibus addi-
cunt? Et nos, quibus oblationum earundem credita nescitur
dispensatio, vel miris irrident modis, vel in vincula coniici-
unt; vel, quantū in ipsis est, morte multare non perhorrescūt.
En ego minimus Episcoporum vester, tamen in domo Domini
qualiscunq; cooperator, quibus & quantis calamitatibus
à Comite N. affior; qui agros Ecclesiæ meæ, tanquam suos,
per trienium, aut eo amplius prædatoria manu occupat. Quæ
cūm nec iure nec gratia à tanto scelere possem reuocare, con-
fratrum & fidelium meorum consilio, membrum Ianians &
persequens Ecclesiam Dei, secundum instituta Canonum à
cōsortio eiusdem matris Ecclesiæ gladio anathematis recidi.
Quod idcirco vestra sanctitati significare curauī, quatenus
auctoritate diuinitus vobis collata, pertinacię ipsius obuietis,

Ss 2 ne

ne iniquitatem scientes, & silendo dissimulantes, tyrannidem ei quandoque nocitaram robore videamini. Fraternis ergo compatiendo pressuris, ascendite quæso ex aduerso. Nam quamvis pauci simus numero, communicatis tamen sinceris viribus, Domino patrocinante, cuius vicem gerimus, facile calumnias peruersorum propulsabimus.

XLVIII.

Epistola Präpositi Bambergensis ad Fridericū, Coloniensem Archiepiscopum.

SAcrosanctæ Coloniensis Ecclesiæ Archipontifici Friderico primævæ indoli virtutum ac dignitatum affectuonem respondentem Präpositus cum totto Babenbergensium Fratrum Collegio impensisima vtriusque hominis obsequia.

Quam festiva vestræ beatitudinis promotione suscepimus gaudia, nullius, quantilibet diserti, explicabit facundia. Quis nam quæso Orator, illum nostri pectoris vocibus prosequeretur affectum, cum filium charissimum sub pennis nostræ fraternitatis fotum & altum in Cathedra Coloniensis Ecclesiæ videmus exaltatum? Ea quippe die, nostræ statum Ecclesiæ, in aliquibus temporis asperitate nutabundum, in tantum speravimus esse sufficiendum, ut vobis superstite, nullum vel sentire possit dispedium. Sed, quod nimirum nostris adscribendū est infortuniis, non solum hoc sterilitatis anno vestris non sumus releuati suffragiis, verum etiam vobis grauioribus occupato negotiis, nostris per vos destituti sumus oblationibus.

Nostis quidem, Präfulum Serenissime, nostræ querelæ causam, iam iamque processu temporis inueteratam; quæ, licet sè penumero per fratres nostros auribus vestris innotuerit, nihil tamen nobis vestræ maiestatis contulit audientia; quin imò eo usque res deducta est, ut non solum ad tempus bonis nostris caruisse, sed & ea prorsus videamur amississe. Siquidem miles vester N. pertinaci animo nostram retentat oblationem, nec illa ratione afferit se redditurum,

terum; nisi tantundem, aut amplius à nobis recipiat. Alius quidam iactat, se oblationem nostram N. in possessionem coëmisce. Talibus vtique & aliis necessitudinibus circumuenti, non modicam stipendij & oblationis nostræ patimur penuriam.

Quocirca si villa fraternitatis nostræ vobiscum viuit memoria, si precum nostrarum deuotio, vel minimo vobis constet momento, causam nostram in libra æquitatis & gratia appendite: hoc videlicet vobiscum accuratius pertractans; quantum vestra deroget estimationi, eos de vobis causari, quos maximè oportet per vos subleuari. Quod, ne quando futrum sit, dispensatio diuina cuncta moderans auerrat: quæ vos etiam sic moderari dignetur; quatinus ipsi placens, & hominibus memoriam vestri in benedictionem perpetim consolietis.

XLIX.

*Epistola Bambergensium Canonicorum
ad Magistrum quendam.*

SVMMÆ venerationis magistro R. solertia virtutū ad vnguem limato F. Præpositus, A. Decanus cum toto Babebergensium fratum Collegio solidissimum fraternali dilectionis vinculum.

Industria tua fama, qua & moribus & scientia eminere prædicaris, ultrò citroq; illecti ardentibus votis faciem tuam videre desideramus. Sed si contingat sic videre, ut reliquam ætatem nobiscum velles transfigere, profecto plenum nobis apportares gaudium, & quodammodo de magnis curarum æstibus absolutos, in optata stationis portu locares. Enim verò longo iam tempore scholasticum querimus: sed, qualem vellemus, non reperimus. nam non æquis ducti auspicis, vel ipse nobis, vel nos illi displicemus. Proinde, si fieri potest, te virum spectatum, & multorum testificatione nobis approbatum, scholasticæ subrogare decreuimus disciplinæ, fiduciam habentes, per constantem eruditioris tui modestiā,

Ss 3 &

& nos, & locum nostrum abundè decoratum iri. Si ergò animus tuus quacunque ratione votis nostris concordet, petim⁹, ut quantocius VVirzeburg accedas, vt, communibus amicis mediantibus, conuentio tibi, nobisque profutura immutabiliter concilietur.

L.

Epistola videtur esse ad Rupertum Episcopum Bambergensem.

Dilectissimo confratri & coepiscopo C. suus in dilectione quidquid iocundius in oratione, & seruitio quidquid deuotius. Sinistra fama hoc anno à partibus illis veniens, multum me exacerbauit, referens vestros à fide & dilectione, sub qua vos in Saxonia dimiserant, defecisse, & contra dignitatem vestram conspirasse. Vnde mihi duplex nata est tristitia: Tum, quia debita charitate vestro honori non parum timebam: Tum, quia cōmuni omnium miseria condolebam, quia, omne nefas irrupti in hoc eūum: & à traditione Domini vix aliquem renoucat respectus fidei, vel sacramenti. Sed alius rumor dolorem meum immutauit in gaudium, quia, audiui, quidquid turbationis fuerat, sedatum esse, & omnia ad honorem vestrum cessisse.

Nouit autem Dominus; quod, si vobis ita vicinus essem, uti VVirzeburgensis Episcopus, vel in illa, vel in alia causa vestra, nullus vobis assisteret paratus, nemo fidelius, vel deuotius opem tulisset, quam ego. Quia verò nimis remotus sum, quod solus absens valeo, bona mea voluntatis munus offero. Sed siue in Curia, siue alibi, ubi præsens esse potero, pro honore vestro, modis omnibus, ac si frater carnalis essem, laborabo.

Gratias aurem vberimas reffero bonitati vestra, quia per vos hiemalem domum taalem habeo, vt in terra nostra, taalem se habere, nullus dicat omnino. Si fieri posset, vt vestris humeris mihi eam attulissetis, non maiores inde vobis gratias haberem, quia, modo, nec ad reddendum quibuscumq; modis vobis placuerit, paratiq; essem, quam modo. Pro communi Cle-

ni Clerico nostro vestram rogo clementiam, vte ibonus sitis
in omnibus. Et si fratres eius tam diuturnam eius ægræ ferunt
absentiam, auctoritatem vestram illis opponite: Et ne inde a-
liquid molestiæ patiatur, mea causa prouide. Artificem et-
iam yestræ pietati commodo. quia, mihi fideliter, & utiliter
seruuiuit; ut pote bonus Christianus; & vt eum adiuuetis, rogo
enixius; & gratiam vestram per me obtineat pleniū.

Epistola.

Ruerentissimè diligendo & dilectissimè verendo
Domino Archiepisco A.G. licet indignus Episco-
pus, quidquid deuotionis & obsequij homini ab
homine præstari potest impensis. Quod vestra
dignatio de fidei, deuotionisq; nostra constantia tam syncer-
ro presumit iudicio, id vero & debita me affecit gratulatione,
& multa in futuris onerat sollicitudine, vt tam bonam de me
persuasionem perpetuam vobis commendem. Porro quod
nostra paruitatis officium erga vos exile nimis & iejunum,
tam magnifica appenditis estimatione, ne quidem meum me-
ritum, sed propensum vestra charitatis intelligo affectum. Est
enim hoc solemne prorsus & familiare sincerè diligentibus, vt
tenuissimam operam eorum, quos diligunt, velut egregiam
& singularem admirantur;

Et nostro & totius regni nomine gratulor vobis, quod
perditis æmolorum consiliis tam mature vos occurrisse, tam
prudenter ea dissipasse ex literis vestris cognoui. Veruntamen
dum singula mecum etiam atque etiam retracto, solidum syn-
cerumq; gaudium vix audeo concipere. Suspectum quippe
mihi est, quod de Marchione O. & de Archiepiscopo Mogun-
tino, qui se velut caput conjurationis effert, nihil scripsisti.
Mouet me & Ducas Banariorum tam facile recepta purgatio,
tam facile credita excusatio. Dolosus enim consilii nihil dissim-
imulatione aptius est. Quam obrem velim vos unice commo-
nitum, vt in omnes partes circumspicere vos agatis, nihil de
priori diligentia remittatis. Nostis mores, nostis tempora.

quid

quid credat, aut cui credat, nemo habet, & in tam dubiis rebus periculosa est securitas, damnosa facilitas, perniciosa credulitas. Noui, quām super effluentī hęc instillem; sed exacto amori difficile modum persuaseris.

De Comite N. quām sim exacerbatus, vtinam dissimilare possem. Sed quia id non licet mihi nolle, quod vos tanto pere velle intelligo, imperati dolori, extorsi animo, vt, cūm ad vos venero, ex vestra præcipue sententia & Ducis Bauariorum consilio rem patiar cōponi. Comitis N. causam etiam atq; etiā vestra fiducia commendata esse volo; ne Comes N. in nostram iniuriam sub alieno nomine de illo triumphet. De mea cum Domina Imperatrice dispensatione, id solum volo ad præfens rogare, vt, vbi occasio aliqua dederit, solitam Ecclesię nostrę opem & tutelam prætendere non grauemini.

LII.

Dominō & Patri venerando Sigefrido dignissimo sanctae Mogūtinæ Sedis archipræsuli Guntherus, licet indignus suus Suffraganeus orationum & obsequii perpetuam deuotionem. Non arbitror vestram prudentiam fugisse, qualiter HEINRICVS Imperator, piæ memoriae, nostram Ecclesiam, cuius ipse fundator diuinus extitit, Romanæ Sedis mundiburdio assignauerit, certamque pensionem suo tempore illi soluendam nobis perpetuo imposuerit: Tunc Romanus Pontifex, vt hanc singularem nostram subiectionem magis celebrem, & insignem faceret, omnibus Ecclesiæ nostræ Præsulibus usum pallij generali priuilegio concessit. Et subinde alij Papæ à nostris antecessoribus commoniti, & appellati, idem solenniter indulseré. Quorum exemplo & autoritate iste quoq; prouocatus, nostræ humiliati pallium secundum antiqui priuilegiij tenorem transmisit. Quamobrem ne quis apud vos, vt hominum ingenia; superbè aut contumeliosè interpretari possit, seriem & modum r̄i vobis insinuare curaui, certus nimirum, quidquid pro Ecclesiæ stabilitate agitur, vestram charitatem sincerè congratulari.

Finis Epistolarum.

VARIA